

漢書二

帝紀
惠帝
高后
文帝
景帝
武帝

0932	貴重書
3	年月日
2	
佛教大学藏書	
第 302532 号	



卷



惠帝紀第二

班固

漢書二

正議大夫行祕書少監琅邪縣開國子顏師古注

孝惠皇帝

荀況曰謚盈之字曰蒲應劭曰禮謚法柔質

之謚自惠帝以下皆稱孝也臣下以蒲

字代盈者則知帝謚盈也他皆類此

高祖太子也母

曰呂皇后帝年五歲高祖初爲漢王二年立爲太子十二年四月高祖崩五月丙寅太子即皇帝位尊皇后曰

皇太后賜民爵一級師古曰帝初嗣位爲恩惠也

中郎郎中蒲六歲

爵三級四歲二級蘇林曰中郎省中郎也

外郎蒲六歲二級蘇林曰外

郎也中郎不蒲一歲一級外郎不蒲二歲賜錢萬張晏曰不

蒲一歲謂不蒲四歲之一歲作郎三歲也不蒲二歲謂不蒲六歲之二歲作郎四歲也師古曰此說非也直謂作郎未經一年耳

官官尚食比郎中應劭曰官官閨寺也尚

主也舊有五尚尚冠尚

私注西歲之下多一歲一章作三歲師古曰此說非也直謂作郎未經一年耳

一歲二歲耳

私注西歲之下多一歲一章作三歲師古曰此說非也直謂作郎未經一年耳

劉後平陽壽之
差中郎二歲乃
當一級令不滿一
歲亦一級恩優之
也又散序之歲
當賜一級令斷
不滿二歲賜錢
萬則滿二歲奉

賜一級

劉後平陽壽書
言若干金則一金
萬錢至於賜金若
于竹則盡金也

帳尚衣尚席亦是如序曰主天子物曰尚主文書曰尚
書又有尚符靈郎也漢儀注省中有五尚而內官婦人
有諸尚也謁者執楯執戟武士騎比外郎應劭曰執楯執戟
古曰騎本廢之取者後又令爲騎因謂騎騎耳師太子御
力士也高祖使武士縛韓信是也騎騎也師親近陞衛也武士
尚也謁者執楯執戟武士騎比外郎應劭曰執楯執戟

驂乘賜爵五大夫舍人滿五歲二級上皆舊詩從天子
之人也舍人以太子之官屬賜給喪事者二千石錢二萬六百石以
上萬五百石二百石以下至佐史五千如淳曰律有上食佐史韋昭曰
若今曹史書佐也師古曰自五百石以下至於佐史皆賜五千今五言二百石者審備其等也視作斥
此言四十金實金也下凡言黃金真金也不言黃謂錢也如淳曰斥上廣上也如淳曰斥開也
上者將軍四十金服虔曰斥上廣上也開土地爲冢壙故以開斥言之鄭氏
曰四十金四十斤金也晉灼曰近上二千石賜錢二萬此言四十金實金也下凡言黃金真金也不言黃謂錢也如淳曰諸賜言
黃金者皆與之金不言黃者一金與萬錢也如淳曰諸賜言黃金一斤直萬錢師古曰諸賜言

十金六百石以上六金五百石以下至佐史二金減甲

宋祁皇文令復
之也當作令復
之之

租復十五稅節錄曰漢家初十五稅一儉於周十稅
一也中間發今復之也如淳曰秦作阿
房之宮收太半之賦遂行至此乃復十五稅一師古曰說是也復音方目反爵五大夫吏

繫治民新承六國之後戚慕鄉邑或貪逸豫樂仕諸侯
今特爲京師作優裕法也如淳曰知名謂宦人教帝書學有可表異者也盜者逃也恐其逃亡故著械也頌者
容也言見寬容但處曹吏舍不入陞牢也師古曰諸家之說皆非也張晏曰時諸侯宦皇帝而知名者謂雖五大夫爵六百
石吏而早事惠帝特爲所知故亦優之所以云及耳非
謂凡在京師異於諸王國亦不必在於官人教書學也
左宦之律起自武帝此時未有禮記曰官學事師謂凡
仕官非闈寺也盜械者凡以罪著械皆得赦焉不必逃
士也據山海經貳冥之臣相柳之尸皆云盜械疑者其義是也古者頌與容同五大夫第九爵也

上及内外公孫耳孫有罪當刑及當爲城旦春者皆耐
爲鬼薪白粲應劭曰上造爵滿十六者也内外公孫謂王侯内外孫也耳孫者玄孫之子也言去

鬼薪王化元始
元年所增領
山殘文也

其魯高益遠但耳聞之也今以上造有功勞內外孫有
骨血屬姪施德布惠故事從其輕也城旦者旦起行治
城春者婦人不豫外徭但春作米皆四歲刑也今皆就
鬼薪白粲取薪給宗廟爲鬼薪坐擇米使正白爲白粲
皆三歲刑也李斐曰耳孫魯孫也張晏曰公孫宗室侯
王之孫也晉列曰耳孫玄孫之魯孫也諸侯王表在八
世師古曰上造第二爵名也内外公孫國家宗室及外
戚之孫也耳孫諸說不同據平紀及諸侯王表說梁孝
王玄孫之子耳孫耳音仍又匈奴傳說握衍朐鞮單于
云烏維單于耳孫以此參之李云魯孫是也然漢書諸
處又皆云魯孫非一不應雜兩稱而言據爾雅曾孫之
子爲玄孫玄孫之子爲來孫來孫之子爲昆孫昆孫之
子爲仍孫從已而數是爲八葉則與胥說相同仍耳聲
相近蓋一號也但班氏雖存古名而許其葉數則錯也
連姪音民年七十以上若不滿十歲有罪當刑者皆完之
孟康曰不加肉刑髡鬚也師古曰若預及之言也謂又
七十以上及不滿十歲以下皆完之也鬚音他計反
曰吏所治民也能盡其治則民賴之故重其祿所臣
爲民也師古曰爲音于舊反今吏六百石以上父母妻子與同居

及故吏嘗佩將軍都尉印將兵及佩二千石官印者家
唯給軍賦他無有所與師古曰同居謂父母妻子之外
居業者若兄弟及兄弟之子等見與同

財也無有所與與讀曰豫令郡諸侯王立高廟師古曰
諸侯王國皆立廟也今書本郡下

元年冬十二月趙隱王如意薨民有罪得買爵三十級
以免死罪應劭曰一級直錢二千凡爲六萬若今贖罪
入三十疋繖矣師古曰令出買爵之錢以贖

罪賜民爵戶一級春正月城長安

二年冬十月齊悼惠王來朝獻城陽郡以益魯元公主
邑尊公主爲太后如淳曰張敖子偃爲魯王故公主得
不得脫故從內史之言請尊公主爲齊太后以母禮事
之用悅媚呂太后耳若魯元以子爲魯王自合稱太后
何待齊王尊之乎據張良傳高后元年魯元太后薨後
六年宣平侯敖薨呂太后立弟子偃爲王以母爲太后

劉敬曰顧說非也悼
惠公主兄弟耳錯
故禱呂后而以母更
之米理安乎至
齊內史本樓口
后啟尊公主以
漸王張良教勸王

剖郡就營魯邑
而更号魯元公主
是魯元太后也太
后之子雖重魯元
人不降玄閭
大齊王如平之族
偃以母為太后故
封尊王太后非齊
益明也

故也是則偃因母為齊王太后也春正月癸酉有兩龍見
而得王非母因偃乃為太后也

蘭陵家人井中言庶人之家乙亥夕而不見隴西地震

夏旱邵陽侯仲薨

師古曰高帝之兄吳王濞父也秋七月辛未相國何

薨

師古曰

蕭何也

三年春發長安六百里內男女十四萬六十人城長安
三十日罷鄭氏曰城一以宗室女爲公主嫁匈奴單于
夏五月立閩越君搖爲東海王應劭曰搖越王句踐之高祖故封東海在吳郡東南濱海云師古曰即今泉州是其地苗裔也帥百越之兵助
隸二萬人城長安秋七月都廄災南越王趙佗稱臣奉

貢師古曰佗

音徒何反

四年冬十月壬寅立皇后張氏

師古曰張良之女也史記及漢書無名字皇甫

謚作帝世紀皆爲惠帝張良及孝文薄后以下別制名焉至於薄父之徒亦立名字何從而得之乎雖欲示博聞不苟春正月舉民孝弟力田者復其身節古曰弟順道事其兄也弟音徒計反復音方目反三月甲子皇帝冠赦天下省法令妨吏民者除挾書律應劭曰挾藏也張良曰長樂宮鴻秦律敢有挾書者族

臺災宜陽雨血秋七月乙亥未央宮凌室災師古曰凌室藏冰之室也幽詩七月之篇曰納于凌陰丙子織室災師古曰王織作縕帛之處

五年冬十月雷桃李華棗實春正月後發長安六百里內男女十四萬五千人城長安三十日罷夏大旱秋八月己丑相國參薨師古曰曹參也九月長安城成賜民爵户一下級師古曰家長受也

六年冬十月辛丑齊王肥薨令民得賣爵女子年十五

劉政曰平謂士子
五善亦不煩論之
自十五至二十為
五等每等加一等

以上至三十不嫁五筭

應劭曰國語越王勾踐令國中
欲人民繁息也漢律人出一筭筭百
奴婢倍筭今使五筭罪謫之也孟康
曰或云復之也師古曰

古曰應夏六月舞陽侯噲薨

樊噲也

起長安西市修教倉

宋祁曰長陵五里
一作十里

七年冬十月發車騎材官詣滎陽

師古曰車常輶軍興
騎常所養馬并其人使行充騎若今
武馬及所養者主地材官解在高紐

太尉灌嬰將春正

月辛丑朔日有蝕之夏五月丁卯日有蝕之既

師古曰既盡也

秋八月戊寅帝崩于未央宮

臣瓊曰帝年十七即位九年

月辛丑葬安陵

臣瓊曰自崩至葬凡二十四日安陵在

去長陵十里

贊曰孝惠內修親親外禮宰相優寵齊悼趙隱恩敬篤

矣師古曰聞叔孫通之諫則懼然

蘇林曰諫復道乘衣

矣篤厚也

冠道也師古曰懼讀

貌音居具反納曹相國之對而心說

蘇林曰對修高

也師古曰說讀曰悅

帝制度蕭何法

說讀曰悅可謂寬仁之主遭呂太后虧損至德

謂殺趙

王穀城夫人因以憂疾不听政而崩悲夫

惠帝紀第二

周呂后傳

呂后

呂產

建成侯

呂禕

呂台

呂公

呂嬃

呂嬃

王作之才七上皇后亡奉宗廟之禮將從幸祀更微皇后亡子極宮夫人有男大后使皇后名一人而殺是母五帝崩
嗣子立有怨言太后廢之定立呂氏子弘為少帝賴太臣共謀誘呂而立文帝惠后惠廢呂后取殊之臣韓信
彭越

高后紀第三

班固

漢書三

正議大夫行祕書少監琅邪縣開國子顏

師古注

高皇后呂氏荀悅曰諱雉之字曰野雞應劭曰禮婦人
故臣下諱雉從夫謚故稱高也師古曰呂后名雉字娥
也姓音許于反生惠帝佐高祖定天下父兄及高祖而
侯者三人師古曰父謂臨泗侯呂公也
兄謂周呂侯澤建成侯釋之惠帝即位尊呂
后爲太后太后立帝姪曾元公主女爲皇后無子取後
宮美人子名之以爲太子惠帝崩太子立爲皇帝年幼
祿太子通四人爲王蘇林曰台封諸呂六人爲列侯語
在外戚傳

朱子文曰呂后二字可去當曰惠后
昂佳尊為太后

元年春正月詔曰前日孝惠皇帝言欲除三族舉妖言
令之語以爲妖言今謂重酷皆除之議未決而崩今除
之二月賜民爵戶一級初置孝弟力田二千石者一人
師古曰特置孝弟力田官而尊其秩欲以勸厲天下令各敦行務本夏五月丙申趙王宮
叢臺災師古曰連聚非一故名叢臺蓋本六國時趙王故臺也在邯鄲城中立孝惠後宮
子強爲淮陽王如淳曰外戚恩澤侯表曰皆呂氏子也今陳留郡不疑爲恒山王如淳曰今常山也因避文帝諱改曰常武爲壘城侯朝爲軼侯師古曰軼音只武爲壘關侯秋桃李華
二年春詔曰高皇帝匡飭天下師古曰匡正也飭讀與勑同其字從力諸有功者皆受分地爲列侯師古曰分音扶問反萬民大安莫不受休德虛虧師古曰休美也音反他皆類此朕思念至於久遠而功名不

著立以尊大誼施後世今欲差次列侯功以定朝位師古曰以功之高下爲先後之次臧于高廟世世勿絕嗣子各襲其功位
其與列侯議定奏之丞相臣平師古曰陳平謹與絳侯臣勃師古曰周勃國侯臣陵等議師古曰王陵列侯幸得賜餐錢奉邑
同諸侯四時皆得賜餐錢文親曰食邑中更名等錢如今長吏食奉自復腰錢即租奉也韋昭曰孰食曰食酒肴曰錢粟米曰奉祿正所食也四時得間賜是爲食錢飧小食也師古曰餐飧同一字耳音千安反飧所謂吞食也奉邑本所食邑也奉音扶用反陛下加惠以功次定朝位如淳曰功大者位在上功臣表有第一第二之次臣請臧高廟奏可春正月乙卯地震羌道服虔曰縣有夷蠻曰道武都郡山崩師古曰武都道屬西郡夏六月丙戌晦日有蝕之秋七月恒山王道属武都郡

非租稅當改為
公美錢又專收莊
文稅租字上有
或曰字

宋祁曰：「文英字一本作鍊，非是。」

不疑薨行八銖錢應劭曰本秦錢質如周錢文曰半兩
鑄於錢今民間名渝炭錢是也民患其太輕至此復行八銖錢

三年夏江水溢流民四千餘家師古曰水所漂沒也秋星晝見

四年夏少帝自知非皇后子出怨言皇太后幽之永巷
如淳曰列女傳周宣姜后脫簪珥待罪永巷後改爲掖庭師古曰永長也本謂宮中之長巷也詔曰凡有天下治萬民者蓋之如天容之如地上有驩心臣使

百姓百姓欣然臣事其上驩欣交通而天下治今皇帝
疾久不已音之欲反屬天下師古曰屬委音之欲反失惑昏亂不能繼嗣奉宗廟守祭祀不可

下計所以安宗廟社稷甚深頓首奉詔五月丙辰立恒
山王弘爲皇帝晉灼曰史記惠帝元年子不疑爲常山王子山爲襄城侯二年常山王薨即不

疑也以弟襲城侯山爲常山王更名義丙辰立常山王
義爲帝義更名弘漢書一之書弘以爲正也師古曰即
元年所立弘爲襄

五年春，南粵王尉佗自稱南武帝。革昭曰：生以武爲號，不稽古也。師古曰：此言武帝亦猶是耳。何謂其不稽古乎？秋八月，淮陽王彊薨。九月，發河東上黨騎屯北地。六年春，星晝見。夏四月，赦天下。秩長陵令二千石。應劭曰：長陵，高祖陵，尊之。故增其令秩也。六月，城長陵。長晏曰：起縣邑故築城也。周七里，百八十步，因爲殿垣門，四出及便殿、掖庭諸官寺，皆在中。是即就陵爲城，非止謂邑居也。匈奴道攻阿陽。師古曰：匈奴屬隴西，阿陽天水之縣也。今流俗書本或作河陽者非也。

劉綱曰：放雖引成
易之言，並未知陽
人者人也。名耳。
某自号武王，聖
持揭揚為武王，則
亦稱焉。謂文王為
帝王，豈自稱之？
或史記之言，未可
信也。

劉後曰呂后外戚

傳惠帝崩呂后

泣不下陳平用張

辟彊計誅以呂后

是為將士兵奉南北

軍又云復殺高祖

子趙惠王共王並王

通立侯呂后王云

病困以禱為上母軍

王產為相國居

南軍又稱呂后

王云內同特為此

統太后臨朝便封

王諸侯年但記標

產將南北軍矣

南軍又稱呂后

王云內同特為此

統太后臨朝便封

王諸侯年但記標

宋祁曰嘉德本末

作采

宋祁曰嘉德本末

作采

趙王友幽死于邸己丑晦日有蝕之既以梁王呂產爲

相國趙王祿爲上將軍立營陵侯劉澤爲琅邪王夏五

月辛未詔曰昭靈夫人太上皇妃也武哀侯張晏曰高

宣夫人高皇帝兄姊也姪淳曰號謚不稱其議尊號丞

相臣平等請尊昭靈夫人曰昭靈后武哀侯曰武哀王

宣夫人曰昭哀后六月趙王恢自殺秋九月燕王建薨

南越侵盜長沙遣隆慮侯竈將兵擊之高祖功臣也隆

故改之師古曰慮音盧

八年春封中謁者張釋卿爲列侯孟康曰官官也如淳

人給事於中者皆是也官者令丞宦者署之令丞夏江

水漢水溢流萬餘家秋七月辛巳皇太后崩于未央宮

遺詔賜諸侯王各千金將相列侯下至郎吏各有差太

赦天下上將軍祿相國產顓顓讀與專同兵秉政古曰顓自知背

高皇帝約師古曰非劉氏而王非有功而侯忍爲大臣諸侯王所誅因

謀作亂時齊悼惠王子朱虛侯章在京師以祿女爲婦

知其謀廼使人告兄齊王令發兵西章欲與太尉勃丞

相平爲內應以誅諸呂齊王遂發兵又誅琅邪王澤發

其國兵并將而西產祿等遣大將軍灌嬰將兵擊之嬰

至滎陽使人諭齊王與連和待呂氏變而共誅之師古曰變

太尉勃與丞相平謀以曲周侯酈商子寄與祿善

勸也謂發

宋祁曰嘉德本末

作采

使人劫商令寄給說祿師古曰給誑也曰高帝與呂后共定天下劉氏所立九王呂氏所立三王皆大臣之議事已布告諸侯王諸侯王以爲宜今太后崩帝少足下不急之國守藩師古曰往也廼爲上將將兵留此爲大臣諸侯所疑何不速歸將軍印以兵屬太尉師古曰音之欲反請梁王亦歸相國印與大臣盟而之國齊兵必罷大臣得安足下高枕而王千里此萬世之利也祿然其計使人報產及諸呂老人或以爲不便計猶豫師古曰猶獸名也爾推曰疑慮常居山中忽聞有聲即恐有人且來害之每豫上樹久之無人然後敢下須臾又上如此非一故不決者稱猶豫焉一曰隴西俗謂犬子爲猶犬隨人行每豫在前待人不得又來迎候故云猶豫也贗音几未有所決祿信寄與俱出游過其姑呂頽張晏曰頽音須頽師古曰呂后妹頽

怒曰汝爲將而棄軍呂氏今無處矣師古曰言見誅滅作類言無種類也無處所也處字或

八月庚申平陽侯窩行御史大夫事師古曰窩曹參子也音竹出反見

相國產計事郎中令賈壽使從齊來因數產師古曰責之也音

具曰王不早之國今雖欲行尚可得邪具以灌嬰與

樊齊合從狀告產師古曰齊楚俱在山東連兵西向欲合從也從音子容反

平陽侯窩聞其語馳告丞相平太尉勃張晏曰紀通信子

入北軍不得入襄平侯紀通尚符節也尚主也今符節今也晉灼曰紀信焚死不見其後功臣表云紀通紀成之子以成死事故封侯師古曰晉說是也

持節矯內勃北軍師古曰矯詐也詐以天子之命也勃復令酈寄典客

劉揭說祿應劭曰典客今大鴻臚也師古曰揭音竭曰帝使太尉守北軍欲

劉攽字謂漢祖
以善用人得天下豈當忘紀信之功疑成者即信之一名

宋祁曰賦節本作以

史記曰南本作帰
印綬去

為呂氏古祖一博

儀孔復射距古凡

更名同吉昌皆祖

是以士農及太尉

皆祖左唯有受利祖

右故親禮及立右肉

祖往之刑宜施於右

是也以改周郭

誅呂氏之計已定

為呂氏者有刑故以

右祖令之非以親人

心後違也

杜牧西缺廟詩呂氏

淳熙嗣子奉我於

天性豈是備南軍

不祖左邊神冕安

劉是誠文

是傳

為呂氏石祖為劉

氏左祖此丘者荀大

周與惟肖共服某

僅余拂鬚皆女孫大周禮惟有日為字諱讀耳當作平聲讀也後惟肖以諱事固三又語刻核篇又語余

余將通鑑五帝紀有此語

不分平仄每韻去言實讀引此句爲字並別為字作去言可讀乎

曰百官表郎中令掌宮殿門戶故其府在宮中後轉爲光祿勳

章已殺產帝令謁者持

信馳斬長樂衛尉呂更始

師古曰因謁者所持之節用

入長樂宮還入北軍復報太尉勃

勃起拜謁章曰所

患獨產今已誅天下定矣

辛酉斬呂祿答殺呂頴

分部

悉捕諸呂男女無少長皆斬之

師古曰分音扶問反

大臣相與陰謀以爲少帝及三弟爲王者皆兆孝惠子復共誅之

尊立文帝語在周勃高五王傳

贊曰孝惠高后之時海內得離戰國之苦君臣俱欲無

爲故惠帝拱己拱而治

高后女主制政不出房闈

門音他昌反而天下晏然刑罰罕用民務稼穡衣食滋

令定下之國急歸將軍印辭去不然禍且起祿遂解印

屬典客

師古曰禹

而臣兵授太尉勃勃入軍門行令軍

耳

祖音

袒脫衣袖而肉

耳袒者偏脫其一

徒旱反

軍皆左袒勃遂將北軍然尚有南軍丞相平召

宋虛侯章佐勃

勃令章監軍門令平陽侯告衛尉母內

相國產殿門產不知祿已去北軍入未央宮欲爲亂殿

門弗內徘徊往來

師古曰徘徊猶傍徨

不進之意也徘徊音裴

侯章曰急入宮衛帝章從勃請卒千人入未央宮拔門

尉勃

尚恐不勝未敢誦言誅之

師古曰非正門而在

兩旁若人之臂腋也見產廷中日晡時遂擊產走天

大風從官亂莫敢鬪者遂產殺之郎中府吏舍廁中

如淳

周與惟肖共服某

僅余拂鬚皆女孫大周禮惟有日為字諱讀耳當作平聲讀也後惟肖以諱事固三又語刻核篇又語余

余將通鑑五帝紀有此語

殖師古曰滋益
也殖生也

高后紀第三

六十八寒日崩病大褐而崩在五行志楚懷才七精魅詣呂后被殺趙主如惠漢才四子戚丈人生呂后殺太后自上還至中是一物如卷犧未入后左腋尸籠之

如卷也后目是而崩

師古曰被衣降惡之象也音廢

迄過棺道見物如食狗穀高后檢

師古曰穀謂拘持也穀音穀

趙王如意逐病被傷而崩先是后鵠殺如意支解其母夫人手足摧其服以爲人服師古曰摧骨敲擊聲次莫精也

權音口角不允言憂者皆取之別名

五行志才七中之上

淮陽王淮五年薨

恒山王不疑二年薨

襄城侯弘尋帝之本名山後改義又後改弘

車侯鉉

壺闕侯武所謂三翁皆曰二翁乎

文帝紀第四

班固

漢書四

東都曰景德本

民作人

宋祁曰景德本

孝文皇帝荀悅曰諱相之字曰常應高祖中子也母曰

薄姬

如淳曰

姬音怡張妾之摠

稱漢官儀曰姬妾數百

幸姬戚夫人臣瓊曰漢秩祿令及茂

陵書

姬並內官也秩比二千石位次婕妤下在八子上

師古曰

姬者本周之姓貴於衆國之女所以婦人美號

皆稱姬焉故左氏傳曰

雖有姬姜無棄蕉萃姜亦大國

女也後因摠謂衆妾爲姬史記云

高祖居山東時好美

姬是也若姬是官號不應云

幸姬戚夫人且外戚傳備

列后妃諸官無姬職也如云

張妾摠稱則近之不當音

怡宜依字讀

耳攢說謬也

高祖十一年誅陳豨定代立子恒爲代

王都中都

十七年秋高后崩

張晏曰代王之十七年也

諸呂謀爲亂

欲立劉氏

丞相陳平太尉周勃朱虛侯劉章等共誅之

謀立代王語在高后紀

高五王傳大臣遂使以迎代王

宋祁曰越本三
字下有子恒二字

喋血

大司馬集顏叔愬
之弟大之牙不相
當值而相衛全

郎中令張武等議皆曰漢大臣皆故高帝時將督兵事
多謀詐其屬意非止此也猶言注意也屬音之欲反
特畏高帝呂太后威耳今已誅諸呂新喋血京師服虔
音蹀屣履之蹀如淳曰殺人流血滂沱爲喋血師
古曰蹀音大頰反李字當作蹀謂履涉之耳以迎
大主爲名實不可信願稱疾無往以觀其變中尉宋昌
進曰群臣之議皆非也夫秦失其政豪傑並起人人自
以爲得之者以萬數然卒踐天子位者劉氏也師古曰
天下絕望一矣高帝王子第地大牙相制所謂盤石之
宗也如犬之牙交相入也天下服其疆一矣漢興除秦
煩苛約法令施德惠約省也人人自安難動搖三矣夫
以呂太后之嚴立諸呂爲三主擅權專制然而太尉以

一節入北軍一呼師古曰呼叫也
火故反他皆類此士皆袒左爲劉氏
畔諸呂卒以滅之此乃天授非人力也今大臣雖欲爲
變百姓弗爲使師古曰爲于僞反其黨寧能專土邪內有朱虛
東牟之親外畏吳楚淮南琅邪齊代之彊方今高帝子
獨淮南王與大主大王又長賢聖仁孝聞於天下故大
臣因天下之心而欲迎立大王大王勿疑也代王報太
后計猶豫未定以之兆得大橫應劭曰龜曰兆筮曰卦
卜以筮內龜文正橫也占曰大橫庚庚余爲天主夏啓以光服虔曰庚庚橫兒
至夏啓始傳嗣能光先君之業文帝亦襲父迹言似
本作籀籀書也謂讀卜詞代王曰寡人固已爲王又何
王乎卜人曰所謂天王者乃天子也於是代王乃遣太

夏啟以光集文
立光大也言夏
啟時亦嘗卜
得此兆繼禹
大有天下也

辭乞

江庚乞之繇

文也韋曰繇

由也吉山所由

生也社之繇也

本作籀籀書也

謂讀卜詞

宋祁曰江南本
淮張晏等下有
橫謂無男不

服庶更也晏等
言高諸侯晏等
亦位之于晏等

鑒景

六乘傳史記呂
后紀云廁相與共
僕使人召代王
使入辭謝再及
始後未六乘
故弛還也私謂
一烹鳴六馬也此
張晏注傳車
六乘傳史記交
各乘一乘也

后弟薄昭見太尉勃等具言所以迎立王者

師古曰說所以

之意也

昭還報曰信矣無可疑者代王笑謂宋昌曰果

如公言乃令宋昌駿乘

師古曰乘車之法尊者居左御者居中又有一人處車之右以備傾側是以戎事則稱車右其餘則曰

張武等六人乘

驂乘驂者三也蓋取三人爲名義耳

六乘傳

張晏曰傳車六乘也

六乘傳

師古曰傳音張戀反

長安至高陵止而使宋

昌先之長安觀變昌至渭橋蘇林曰在長安北三里丞相以下皆

迎昌還報代王乃進至渭橋群臣拜謁稱臣代王下拜

太尉勃進曰願請間

師古曰閒容也猶今言中間也請問暇之須當有所陳不欲於衆顯

迎昌曰所言公公言之

論此皆類他宋昌曰所言私王者無私太尉

勃乃跪上天子璽

代王謝曰至郎而議之師古曰郡國

京師者率名郎至也言所

歸至也昔丁禮反他皆類此閏月己酉入代郎群臣從

印

創微曰已酉云
誅諸呂三十日
吳

來祁曰淮文不詳

南本作不詳易
長君云不詳

其有爵位則

為帝承不詳

二王三侯而受

子宜爲嗣願大主即天子位代王曰奉高帝宗廟重事

也寡人不佞

師古曰不材也

不足以稱

師古曰稱副也音願字讀皆

琅邪王

文賴曰劉澤也列侯吏二千石議大王高皇帝

子宜爲嗣願大主即天子位代王曰奉高帝宗廟重事

也寡人不佞

師古曰不材也

不足以稱

師古曰稱副也音願

劉後曰忽言
輕易也

請楚王計宜者蘇林曰楚王名交高帝弟也寡人弗敢當群臣皆伏固請代王西鄉讓者三南鄉讓者再如淳曰讓群臣也或曰賓主位東西荀君臣位南北荀故西鄉坐三讓不受群臣猶稱宜乃更南鄉坐示變即君位之漸也師古曰鄉讀曰嚮丞相平等皆曰臣伏計之大王奉高祖宗廟最宜稱雖天日忽怠願大王幸聽臣等臣謹奉天子璽符再拜上代王曰宗室將相王列侯以爲其宜寡人寡人不敢辭遂即天子位群臣以次侍師古曰各依職位使太僕嬰東年侯興居先清宮應劭曰舊典天子行幸所至必遣靜室令先案行清淨殿中以處非常奉天子法駕迎代邸如淳曰法駕者侍中驂乘奉車郎御屬車三十乘六乘皇帝即白夕入未央宮夜拜宋昌爲衛將軍領南北軍張武爲郎中令

宋祁曰景德
本無制詔二字

行殿中師古曰行謂案行也音下更反還坐前殿下詔曰制詔丞相太尉御史大夫間者諸呂用事擅權師古曰間者猶言中謀爲大逆欲危劉氏宗廟賴將相列侯宗室大臣誅之皆伏其辜朕初即位其赦夫十賜民爵一級女子百戶牛酒蘇林曰男賜爵女子賜牛酒師古曰賜爵者謂一家之長得之也女子謂賜爵者之妻也率百戶共得牛若干頭酒若干石無定數也醉五日張度曰醉音蒲文類曰音步漢律三人以上無故群飲酒罰金四兩今詔橫賜得令會聚飲食五日也師古曰醉之爲言布也王德布於天下而合聚飲食爲醉服音是也字字或作脯音義同

宋祁曰醡角本
浙本並作餌

元年冬十月辛亥皇帝見于高廟遣車騎將軍薄昭迎皇太后于代詔曰前呂產自置爲相國呂禄爲上將軍擅遣將軍灌嬰將兵擊齊欲代劉氏嬰留滎陽與諸侯

宋都曰如注角
本并本每口口
字

于斤朱盧侯章襄平侯通邑各二千户金千斤封典客
揭爲陽信侯賜金千斤十二月立趙幽王子遂爲趙主
徙琅邪王澤爲燕王呂氏所奪齊楚地皆歸之盡除收
帑相坐律令應劭曰帑子也秦法一人有罪并其室家
今除此律師古曰帑讀與奴同假借字也
正月有司請蚤建太子爲早晚字也所以尊宗廟也
詔曰朕旣不德上帝神明未歆饗也天下人民未有憲
志應劭曰憲音篤愍肅肅也今縱不能博求天下賢聖有德
本無文字
恩志誠全事請
志也師古曰憲快也今多作憲或作憲得志憲二字集韻亦作快增韻悞舛也
作憲徐曰今多作憲或作憲得志憲二字集韻亦作快增韻悞舛也

人而嬗天下焉古釋字而曰豫建太子是重吾不
德也師古曰重謂增益也音直用反他告類此謂天下何師古曰猶言何以稱天下之望
安之師古曰安猶徐也言不宜汲汲耳如淳曰閼猶更歷也有司曰豫建太子所以重宗廟
社稷不忘天下也上曰楚王季父也春秋高閭天下之
義理多矣如淳曰閼猶更歷也明於國家之體吳王於朕兄也准
南王弟也皆秉德以陪朕文淵閣四庫全書賴曰豈爲不豫哉諸侯主
宗室昆弟有功臣多賢又有德義者若舉有德以陪朕
之不能終是社稷之靈天下之福也今不選舉焉而曰
必子師古曰必將傳位於子人其以朕爲志賢有德者而專於子
非所以憂天下也朕甚不取師古曰不取猶言不用此爲善也有司固
請曰古者殷周有國治安皆且千歲師古曰治安言治理而且安寧也

宋祁曰越本重
作傳

現存猶豫言
大士

音文

漢書卷之四

五

音文

有天下者莫長焉師古曰言上古以來國祚長久無及殷周者也用此道也

使反師古曰所以能爾者立嗣必子所從來遠矣高帝始

平天下建諸侯爲帝者太祖諸侯王列侯始受國者亦

皆爲其國祖子孫繼嗣世不絕天下之大義也故高

帝設之以撫海內師古曰設置立此法也今釋宜建師古曰撫也宜建

謂適而更選於諸侯宗室非高帝之志也更議不宜

謂嗣不當而更議子啓最長文賴曰敦厚慈仁請建以爲太子上

乃許之因賜天下民當爲父後者爵一級

師古曰雖非爲後者即得賜爵封將軍薄昭爲軼侯

師古曰三月有司請立皇后皇太后曰立太子母竇氏爲皇后詔曰方春和時

草木群生之物皆有以自樂而吾百姓鰥寡孤獨窮困

詩古文我豈陳食我農人

之人或阽於死上服虔曰阽音反姑之阽孟康曰阽音屋擔之擔如淳曰阽近邊欲墮之意

師古曰服孟二音並通而莫之省憂師古曰爲民父母將何如其

議所以振貸之師古曰振起也爲給貸之令其存立也

其義皆同今流俗作字從貝者非也自別有訓貸音吐戴反又曰老者沐帛不煖非肉不飽師古曰煖音溫也音乃短反今歲首不時使人存問長老師古曰存又無布帛酒肉之賜將何以佐天下子孫孝養其親今聞吏稟當受鬻者或以陳粟師古曰稟給也鬻淳糜也給米使其備爲六反淖弱也音女教反之

其制也有蟹夷曰道有司請令縣道師古曰或縣或道皆用此制也豈稱養老之意哉具爲令師古曰使年八十以上賜帛人二疋絮三斤師古曰賜物及當稟鬻米者長吏

之古文也

閱視丞若尉致師古曰長吏繇之令長也若昔豫及之

其都吏有

德也如淳曰律說部吏今督郵是也閑惠曉事即爲文無害都吏師古曰如說是也行音下孟反

不稱

者督者二千石察視責罰之

其都吏有

任其罪也師古曰刑謂先被刑也有罪在吏未決者也言八十九十之人雖合加賜其楚元王交薨中被刑罪者不在此賜物令僚中也

不稱

不用此令縣林曰一歲爲罰作一歲刑以上爲耐耐能任其罪也師古曰刑謂先被刑也有罪在吏未決者也言八十九十之人雖合加賜其楚元王交薨中被刑罪者不在此賜物令僚中也

不稱

四月齊楚地震二十九山同日崩大水潰出師古曰旁湧曰六月令郡國無來獻施惠天下諸侯四夷遠近驩出來時有功者詔曰方大臣誅諸呂迎朕朕狐疑皆止師古曰狐之爲獸其姓多疑每渡冰河且听且渡故言疑者而稱狐疑惟

中尉宋昌勸朕朕已得保宗廟已尊昌爲衛將軍

師古曰尊

高也高其封昌爲壯武侯諸從朕六人官皆至九卿師其官秩

古

武等又曰列侯從高帝入蜀漢者六十八人益邑各三百戶吏二千石以上從高帝颍川守專等十人食邑六百戶淮陽守申屠嘉等十人五百戶衛尉足等十人四百戶封淮南王舅趙兼爲周陽侯齊王舅馯鈞爲靖郭侯如淳曰邑名也六國時齊有靖郭君靖音靜師古曰外戚恩澤侯表云鄆侯馯鈞以齊王舅侯今此云靖郭豈初封靖郭後改爲鄆乎

鄆音一戶反又音於庶反

故常山丞相蔡兼爲樊侯

二年冬十月丞相陳平薨詔曰朕聞古者諸侯建國千餘各守其地以時入貢民不勞苦上下驩欣靡有違德今列侯多居長安邑遠師古曰所食之邑去長安遠吏卒給輸費苦而列侯亦無繇教訓其民師古曰繇讀與由同其令列侯之國爲

吏及詔所止者遣太子李奇曰爲吏謂卿大夫者十

一月癸卯晦日有食之詔曰朕聞之天生民爲之置君

以養治之人主不德布政不均則天示之災以戒不治

師古曰治音直吏反乃十一月晦日有食之適見于天師古曰適也音張革反災孰大焉師古曰災見音胡電反摸大於此朕獲保宗廟以微眇

之身託于士民君王之上天下治亂在予一人唯二三執政猶吾股肱也朕下不能治育群生上以累三光之明師古曰三光日月星也累音力瑞反其不德大矣令至其悉思朕之過失師古曰令謂此詔書及知見之所不及勾以啓告朕師古曰勾亦乞也啓開也言以過失開告朕躬是則於朕爲恩惠也商書說命曰啓乃心沃朕心及舉賢良方正能直言極諫者以匡朕之不逮師古曰匡正也逮及也不逮者意慮所不

宋祁曰舊林注文憫字下當有然字

宋祁曰傳舍推至直驛

及因各敕以職任務省繇費以便民師古曰省減也音古曰孟說是也憫猶介然也非姦非也師

朕既不能遠德故憫然念外人之有非蘇林曰憫寢視曰憫猶介然也非姦非也師古曰孟說是也憫音下板反是以設備未息今縱不能罷邊屯戍又飭兵厚衛師古曰飭整同其罷衛將軍軍太

僕見馬遺財足師古曰遺留也財與纔同纔少也太僕

餘皆以給傳置師古曰傳音張戀反置者置傳驛之所因名置也他皆類此春正月

丁亥詔曰夫農天下之本也其開藉田應劭曰古者天爲天下先藉者帝王典藉之常也韋昭曰藉借也借民力以治之以奉宗廟且以勸率天下使務農也臣賈曰景帝詔曰朕親耕后親桑爲天下先本以躬親爲義不得以假借爲藉也藉謂臨藉也師古曰瓊說是也國語曰宣王即位不藉千畝號文朕親率耕以給宗廟粢盛

公諫斯則藉非假借明矣師古曰盛粢音咨民謗作縣官及貸種食未入入未備

種食

者皆赦之。師古曰：種者，五穀之種也。食者，所以三月有司請立皇子爲諸侯王。詔曰：前趙幽王幽死，朕甚憐之已立其太子，遂爲趙王。遂第辟彊。師古曰：辟彊，言辟禦非耳。辟音必亦反。彊音其良反。一說辟讀曰驅開疆土也。賈誼書曰：衛侯朝於周，周行人問其名，衛侯曰：辟彊。行人還之曰：啓彊。辟彊，天子之號也。諸侯弗得用更其名曰：燬。則其義兩說並通。他皆類此。及齊悼惠王子朱虛侯章、東牟侯興居有功，可王。乃遂立辟彊爲河間王。章爲城陽王。興居爲濟北王。因立皇子武爲代王。參爲太原王。揖爲梁王。五月詔曰：古之治天下，朝有進善之旌。應劭曰：旌幡也。堯設之五達之道於旌下，誅謗之木。服虔曰：堯作之橋梁，交午在頭也。應劭曰：橋梁邊板，所以書政治之愆失也。至秦去之，今乃復施所以通治道而來諫者也。今法也。師古曰：應說是也。

列故曰祝詛上以相約，俗如些稱後，傳云不直者，不敢祝詛實也。故吏得以考大過。有誹謗訐言之罪。師古曰：高后元年詔除妖言之令。今此又有訐言之罪。是則中間曾重復設此條也。是使衆臣不敢盡清而上無由聞過失也。將何以來遠方之賢良？其除之民或祝詛上以相約而後相謾。師古曰：謾欺也。初爲要約，共行祝詛，後相欺也。謾，訐中道而止。無實事也。謾音慢，又音莫。連反。吏以爲大逆，其有他言，吏又以爲誹謗，此細民之愚，無知抵死也。師古曰：抵觸朕甚，不敢自今以來有犯。此者勿聽治。九月初與郡守爲銅虎符竹使符。應劭曰：銅虎符第一，長五寸，鐫刻篆書，第一至第五，張晏曰：符以代古之圭璋，從簡易也。師古曰：與郡守爲符者，謂各分其半，右留京師，左以與之。使音所吏反。詔曰：農天下之大本也。民恃以生也。而民或不務本而事末，故生不遂。師古曰：衣食之絕致也。故不遂其生。朕憂其然，故今茲親率群

臣農以勸之其賜天下民今年田租之半師古曰免不收之

宋祁曰性文賜
以酒食帛葛越巾佩帶之本無洞蕩二字

辛

三年冬十月丁酉晦日有食之十一月丁卯晦日有食之詔曰前日詔遣列侯之國辭未行丞相朕之所重其爲遂率列侯之國遂免丞相勦遣就國十二月太尉潁陰侯灌嬰爲丞相罷太尉官屬丞相夏四月城陽王章薨淮南王長殺辟陽侯審食其師古曰殺於其家五月匈奴入居北地河南爲寇師古曰北地郡之北黃河之南即白羊所居上幸甘泉淳如

曰蔡邕云天子車駕所至民臣以爲饒幸故曰幸見今長三老官屬親臨軒作樂賜以酒食帛葛越巾佩帶之屬民爵有級數或賜田畝之半故因謂之幸也師古曰甘泉在雲陽本秦林光宮

擊匈奴匈奴去發中尉材官屬衛將軍軍長安上自甘

泉之高奴師古曰之往也

因幸太原見故群臣皆賜之

劉敞曰高帝詔曰
與諸君去來假者
敢之今此文亦當
云與王興居去
來者赦之蓋脫

一朝卓也

舉功行賞諸民里賜牛酒師古曰里別率賜之復晉陽中都民三歲租師古曰復音方目反留游太原十餘日濟北王興居聞帝之代欲自擊匈奴乃反發兵欲襲滎陽於是詔罷丞相兵以棘蒲侯柴武爲大將軍臣蕡曰漢帝年紀爲陳武此云柴武爲有二姓將四將軍十萬衆擊之祁侯繒賀爲將軍軍滎陽秋七月上自太原至長安詔曰濟北王背德反上詐誤吏民師古曰詐亦誤也爲大逆濟北吏民兵未至先自定及召軍城邑降者皆赦之復官爵音扶目反與王興居去來者亦赦之今棄之去而來降者亦赦八月虜濟北王興居自殺赦諸與興居反者

四年冬十二月丞相灌嬰薨夏五月復諸劉有屬籍家

顧成廟

無所與師古曰復音方賜諸侯王子邑各二千戶秋九月反輿讀曰豫

師古曰復音方
目反與讀曰豫

卷之四

見城故名之應劭曰文帝自爲廟制

度卑狹若顥望而成猶文王靈臺不曰成之故曰顥成賈誼曰因顥成之廟為天下太宗與漢無極如淳曰身存而為廟若尚書之顥命也景帝廟號德陽武帝廟號龍淵昭帝廟號徘徊宣帝廟號樂游元帝廟號長壽成

帝廟號陽池師古曰以還顏見城因即爲名
義無取又書本不作城郭字應說近之

五年春二月地震夏四月除盜鑄錢令民放鑄也更造

六年冬十月，桃李華十一月，淮南王長謀反廢，遷蜀嚴

道死雍。能古曰：遷於蜀郡之嚴道行至扶風雍縣，在道而死也。

可齋兄方二人不相合。

單廄之歲者卽
此年也太歲在
卯為單廄

六年冬十月槐李華十一月淮南王長謀反廢遷蜀
道死雍師古曰遷於蜀郡之嚴道行至扶風雍縣在道而死也

宋思

宋祁云江南本
惠作思
李學長

八年夏封淮南厲王長子四人爲列侯有長星出于東方
文賴曰李彗三星其占畧同然其形象小異李星光芒短其光四出蓬蓬李李也彗星光芒長參參如埽彗長星光芒有一直指或竟天或十丈或三丈或二丈無常也大法李彗星多爲除舊布新火災長星多爲事兵革

九年春大旱

鄭氏曰昭殺漢使者文帝不忍加誅使公卿從之飲酒欲令自引分昭不肯使群臣喪服往哭之乃自殺有罪故言死如淳曰一說昭與文帝博不勝當飲酒

朱祁曰師古注
文獻本無自殺

二字

詩郎酌爲昭少一侍郎謹呵之時此郎下休昭使人殺
之是以文帝使自殺師古曰外戚恩澤侯表云坐殺漢
使者自殺

鄭說是也

十一年冬十一月行幸代春正月上自代還夏六月梁

王揖薨匈奴寇狄道

十二年冬十二月河決東郡春正月賜諸侯王女邑各
三千戶二月出孝惠皇帝後宮美人令得嫁三月除關
無用傳張晏曰傳信也若今過所也如淳曰兩行書繕
奇曰傳染也師古曰張說是也古者或用染或用
繒帛染者刻木爲合符也傳音張戀反染音啓詔曰
道民之路在於務本朕親率天下農十年于今而野不
加辟師古曰辟讀開也歲一不登民有飢色師古曰登成也
言五穀一歲不成無蓄積故也是從事焉尚寡而吏未加務也師古曰從事從

從不清

農事吾詔書數下歲勸民種樹脚古曰樹謂藝植也而功未興是
吏奉吾詔不勤而勸民不明也且吾農民甚苦而吏莫
之省師古曰省視也將何以勸焉其賜農民今年租稅之半又
曰孝悌天下之大順也力田爲生之本也三老衆民之
師也廉吏民之表也朕甚嘉此二三大夫之行今萬家
之縣云無應令師古曰無孝悌力田之人可應察舉之令豈實人情是吏舉
賢之道未備也其遣謁者勞賜三老孝者帛人五匹悌
者力田二匹廉吏二百石以上率百石者三匹師古曰
石以上每百石加三四匹及問民所不便安而以戶口率置三老孝
悌力田常貟師古曰計戶口之數以率之增置其貟廣教化也令各率其意以
道民焉師古曰道

讀曰導

卷之四

十一

祝巫祝大祝祝
融有音之六切
詛則職教切祝
與咒同祭三卷三
丁祠西太乙官奉
墨主新除秘祝
侍臣奉氣豐年
刑去志云今法有
肉刑三孟康曰
肉刑三者蹠劓
二則左右趾合
凡三也句會注
疾玄斬左右趾
刑放之謂贊當
作為字

集覽注祝官有
秋祝掌六祝
之舜事堯神祝秋
之舜祥轉祝過於下
之本帝除之散詩首書

十三年春二月甲寅詔曰朕親率天下農耕以供粢盛
皇后親桑以奉祭服其具禮儀師古曰令立耕夏除秘
祝應劭曰祕祝之官移過于國家諱之故曰祕也語在郊祀志五月除肉刑
身從事古勤字而有租稅之賦是謂本末者無以異
也李奇曰本農也未賈也言農與其於勸農之道未備
其除田之租稅賜天下孤寡布帛絮各有數

十四年冬匈奴寇邊殺北地都尉印師古曰功臣表云
地都尉印力戰死事文帝十四年封與此正合然則印
姓孫而徐廣乃云姓段說者因曰段會宗即印之玄孫
無所據也會宗漢書有傳班固不云是印後何從而知之乎遣三將軍軍龍西北地

上郡中尉周舍爲衛將軍郎中令張武爲車騎將軍軍

渭北車千乘騎卒十萬人上親勞軍勒兵申教令師古曰申
謂約束之賜吏卒自欲征匈奴群臣諫不聽皇太后固要上
乃止文類曰要却也哀痛祝誓之言於是東陽侯張相如爲大將軍
建成侯董赫內史樂布皆爲將軍擊匈奴匈奴走春詔
曰朕獲執犧牲珪幣以事上帝宗廟十四年于今歷日
彌長以不敏不明師古曰敏材識捷疾而久撫臨天下朕甚自愧
昔先王遠施不求其報望祀不祈其福右賢左戚先民
後已師古曰以賢爲上然後及親也至明之極也今吾聞祠官祝釐古韻字
古曰釐福也賈直傳受釐坐宣室是也皆歸福於朕躬

百姓不與焉師古曰與是重吾不德也
讀曰預音直用反

祠官致敬無有所祈

十五年春黃龍見於成紀師古曰成紀隴西縣
謂陽五帝之廟也公孫臣明服色新垣平設五廟文賴曰公孫臣魯人也
應劭曰新垣平趙人也語在郊祀志夏四月上幸雍始郊見五帝赦天下脩名山大川嘗祀而絕者有司以歲時致禮九月詔諸侯王公卿郡守舉賢良能直言極諫者上親策之傳納以言師古曰傳讀曰數數陳其言而納用之語在鼂錯傳師古曰

千故反

十六年夏四月上郊祀五帝于渭陽草昭曰在渭城師長安東北非渭城也五月立齊悼惠王子六人淮南厲王子

黃昏杪四十六衛獻公亡在外十二年而入葬後元年出公在外四年後文公葬後之其治防於此後作班固追書後元年初元山本十四卷十三丁巳引來庠紀年通譜云漢文帝後元二年正月追書而後字以別初元

宋祁曰接紀

通譜云史記文

紀十七年書得

王林曰人主延集

於是天子更始

為元年而不看

後字至雖固則

於此題曰後元

矣然則當時王

杯毋中之異但

稱元算史家追

書後字以別初

元

無不清

廢

順不

或

多

與

何

其

民

食

之

寡

乏

也

夫

度

田

非

益

寡

而

計

民

未

加

益

計

之

音徒各反

以口量地

其於古猶有餘而食之

平詐覺謀反張晏曰新垣平候日再中以爲吉冬十月新垣延壽令天下大酺明年改元

後元年

祥故改元以求延年之祚也

皇后張氏薨

張晏曰后黨於呂氏

發處北宮故不

曰崩詔曰間者數年比不

登師古曰比猶頗也

又有水旱疾疫之災朕甚憂之愚而不明

未達其咎意者朕之政有所失而行有過

興師古曰興讀曰歟音

弋於反下乃天道有不順地利或不得人事多失和鬼

神廢不享與何以致此將百官之奉養或費無用之事

或多與何其民食之寡乏也夫度田非益寡而計民未

加益

計

之

音徒各反

以口量地

其於古猶有餘而食之

甚不足者其咎安在無乃百姓之從事於末以害農者
蕃師古曰未謂工商之業爲酒醪以靡穀者多而古曰酒也蕃亦多也音扶元反來高反糜散也醪音糜六畜之食焉者衆與細大之義吾未
能得其中音仲反其與丞相列侯吏二千石博士議

之有可以佐百姓者率意遠思無有所隱

二年夏行幸雍棫陽宮蘇林曰棫音域張晏曰秦昭王所作也晉灼曰黃圖在扶風六月代王參薨匈奴和親詔曰朕旣不明不能遠德使
方外之國或不寧息夫四荒之外不安其生師古曰戎狄荒服故日四荒言其荒忽去來無常也爾雅封圻之內勤勞不處師古曰折亦畿字王畿千里不處者不獲安居二者之咎皆自於朕之德薄而不能達遠也間者累年匈奴並暴邊境多殺吏民邊

來祁曰隱字下
一有也字

臣兵吏入不能諭其內志以重吾不德師古曰諭曉告也重音直用反夫久結難連中外之國將何以自寧今朕夙興夜寐勤勞天下憂苦萬民爲之惻怛不安師古曰惻痛也怛音丁曷反恨也未嘗一日忘於心故遣使者冠蓋相望結微於道韋昭曰使車往還故微如結也以諭朕志於單于師古曰單于匈奴天子之號也單音蝉今單于反古之道師古曰反還也計社稷之安便萬民之利新與朕俱棄細過偕之大道師古曰偕亦俱也之往也趣也結兄弟之義以全天下元元之民師古曰元元善意也和親以定始于今年

三年春二月行幸代

四年夏四月丙寅晦日有食之五月赦天下免官奴婢爲庶人行幸雍

微作輒注同諱詩
帝名輒為通直書微字

單于

五年春正月行幸龍西三月行幸雍秋七月行幸代

六年冬匈奴三萬騎入上郡三萬騎入雲中以中大夫

令免爲車騎將軍屯飛狐

如淳曰在代郡師古曰中大夫官名其人姓令名免耳此諸將軍下至徐厲皆書姓而徐廣以爲中大夫令是官名此說非也據百官表景帝初改衛尉爲中大夫令文帝時無此官而中大夫是郎中令屬官秩比二千石故楚相蘇意爲將軍屯句注

館應劭曰山陰名也在鴈門陰將軍張武屯北地河內太

守周亞夫爲將軍次細柳

服虔曰在長安西北如淳曰并宿曰信過信爲次師古曰匈奴傳云置三將軍軍長安西細柳渭北棘門霸上此則細柳不在渭北此說是也

祝茲侯徐厲爲將軍次棘門

孟康曰在長安北秦時宮門也如淳曰三輔黃圖棘門在外也

以備胡夏四月大旱蝗

師古曰蝗即螽也食苗爲災今俗呼爲蠶蟻蝗

來祁曰如淳注文
長安字下有圖字

音胡光反令諸侯無入貢施山澤師古曰施解也解而蟲音鍾減諸服御損郎吏貞發倉廩應劭曰水漕倉曰廩胡公上在邑曰倉在野曰廩以振民民得賣爵

七年夏六月己亥帝崩于未央宮

臣瓊曰帝年二十三即位即位二十三年

壽四十也遺詔曰朕聞之蓋天下萬物之萌生靡不有死生者曰萌死者天地之理物之自然奚可甚哀師古曰奚何也當今之世咸嘉生而惡死厚葬以破業重服以傷生吾甚不取且朕旣不德無以佐百姓今崩又使重服久臨云服臨當臨者音並同也

哀人父子傷長老之志損其飲食絕鬼神之祭祀以重吾不德師古曰重音直用反謂天下何朕獲保宗廟以眇眇之身

私言供養高
廟始終無更
終天年豈非幸
乎

劉紹曰與誨曰次
言得以天子供
養于高廟秋之
不明而蒙此教
是可嘉也其筆
哀余子劉故同

託于天下君王之上師古曰眇眇二十有餘年矣賴天
之靈社稷之福方內安寧臣瓊曰方四方也內中也猶謂之內耳謂四方靡有兵革師古曰過行行有過失也反惟年之久長懼于
帝之遺德師古曰羞謂忝辱也行音下更不終今乃幸以天年得復供養于高廟朕之不明與素
之其奚哀念之有如淳曰得卒天年已善矣晉灼曰若謂得終天年供養高廟爲可嘉之事無其令天下吏民
之有也師古曰如晉之說非也與讀曰殿音弋於反自言或者豈朕見之不明乎以不可嘉爲嘉耳然朕自
所哀念也今俗語猶然其意可曉矣其令天下吏民
令到出臨三日皆釋服師古曰令謂此詔文也無禁取婦嫁女祠
祀飲酒食肉自當給喪事服臨者皆無踐伏犧曰踐翦也謂無斬衰跣徒跣也師古曰孟晉二說是也經帶無過三寸無

服大紅孝隱曰劉武云紅功也男功非一故以工為字也禪徒威及除服余名
也禪有深意
然安平之意

大紅小紅

哀況曰害女紅
之物佳紅亦工
也私言喪制祿無

七月制也

劉紹曰文帝制此
喪服制自己卒
之後其未葬之前
則服斂衰裳
諸帝自崩至葬
葬則服不除矣
翟方進侍後母
終既葬三十六日
起視事此其證也
說者遂以日易

布車及兵器應劭曰無以布衣車及兵器也服虔曰不施輕車介士也師古曰應說是也無
發民哭臨宮殿中殿中當臨者皆以旦夕各十五舉音
禮畢罷非旦夕臨時禁不得擅哭臨以下師古曰指也音義與高紀同服大紅十五日小紅十四日纖七日釋服服虔曰皆當言
大功小功布也纖細布衣也應劭曰紅者中祥大祥以紅爲領緣纖者禪也凡三十六日而釋服矣此以日易月也晉灼曰漢書例以紅爲功也師古曰紅與功同服
晋二說是也此喪制者文帝自率己意創而爲之非有取於周禮也何爲以日易月乎三年之喪其實二十七月豈有三十六月之文禪又無七月也應氏旣失之於前而近代學者因循謬說未之思也此詔中無文者皆以類比而行事川因其故無有所改應劭曰因山爲藏不復起墳山下布告天下使明知朕意霸陵山
歸夫人以下至少使應劭曰夫人以下有美人良人八子七子長使少使皆遣歸家重絕

十五日古
已上三十六日
襄緇也

月又不通計葬
之日皆大謫也
攻之文帝意既
葬除重服制大
紅小紅并以漸即
吉耳又此內有往
後母甚篤以身
備候相不取
踰國家之制

宋祁云便字下
疑有看字
東紀注一金方錢
也蓋百金一千貫
也十金一百貫也

人類令中尉亞夫爲車騎將軍屬國悍爲將屯將軍師古曰典
屯軍以常郎中令張武爲復土將軍如淳曰主穿廣寶塗
備非常郎中令張武爲復土將軍事也師古曰穿廣出
士下指也已而賓之又即以爲墳
故云復土復反還也音扶目反發近縣卒萬六千人
發內史卒萬五千人臧郭穿復土屬將軍武師古曰即
賜諸侯王以下至孝悌力田金錢帛各有數乙巳葬霸
陵師古曰自崩至葬凡七日也霸陵在長安東南

贊曰孝文皇帝即位二十三年宮室苑囿車騎服御無
所增益有不便輒弛以利民師古曰張廢爾反嘗欲作露臺
召匠計之直百金上曰百金中人十家之產也師古曰謂不富不貧
吾奉先帝宮室常恐羞之何以臺爲師古曰今新之頂有露臺鄉極爲高顯
猶有文帝所欲作臺之處身衣弋繩如淳曰弋皂也賈謂不
謂不有露臺鄉極爲高顯身衣弋繩謂如淳曰身衣皂繩師

宋祁曰飾舊作
飾當從此本

三十五卷東方朔
白言文帝之子
身衣弋繩是後
革寫以韋帝
劍竟蒲為席
兵木無刃衣八
緼李文集上局文集上局
仁義為準之以直行為廉以仁義為準

爰盎諫說文帝
爰盎傳曰前下

反鳴呼仁哉
有高世行之以直行為廉以仁義為準

私一点
幾致刑措

文帝紀第四

鶴林玉露丙集才一漢文帝葬
漢文帝以七月己亥崩，乙卯葬。七月耳，上寧人之家，欽手足形，还葬者，何以異？景帝必不
克以天下儉其親，此殆文帝之廟命也。雖未合中道，見亦阜矣。文帝此等見解，皆自黃老中來。
奉赤皇墓，傍有漢文陵，許渾、竇盤虎跡樹屋，三物入浮雲，亦是前一種青山秋道裡路人。

只拜漢文陵

景帝紀第五

班固

漢書五

正議大夫行祕書少監琅邪縣開國子頴 師古注
孝景皇帝荀悅曰：諱啓之字曰開，應劭曰：禮謚法布義行剛曰：景。文帝太子也。母曰竇皇后。後七年六月文帝崩，丁未太子即皇帝位，尊皇太后薄氏曰大皇太后。皇后曰皇太后。九月有星孛于西方。

元年冬十月詔曰：蓋聞古者祖有功而宗有德。應劭曰：下者爲祖，高帝舞高祖是也。始治天下者爲宗，文帝稱太宗是也。師古曰：應說非也。祖始也，始受命也。宗尊也。有德可尊，制禮樂各有由。歌者所以發德也，舞者所以明功也。高廟酌。張晏曰：正月旦作酒，八月成，名曰酌。酌之言，甲是也。太祖耳有功者亦稱祖，而祖山谷井水，十七丁酉，我仙人九醞。

祖宗

劉放曰：顏說非也。始受命者稱太祖耳。有功者亦稱祖。而祖山谷井水，十七丁酉，我仙人九醞。

解注
詒侯制宗廟
九禮
八月飲辭用

西京雜

唐虞卷五

高祖

行之舞

孟康曰武德高祖所作也文始舜舞也五行周

行舞冠冕衣服法

唐虞

見禮樂志

孝惠廟酌奏文始五行之舞孝文皇

帝臨天

通關梁不用傳令遠近若一除

下通關

不異遠方

張晏曰孝文十二年除

誅謗去肉刑賞賜長老收恤孤獨以遂群生

師古曰達也

減耆欲不受獻

師古曰耆罪又不帑蘇林曰刑不及妻子師古曰帑讀與

不誅亡罪不私其利也

除官刑出美人重絕人之世

同不誅亡罪不私其利也

除官刑出美人重絕人之世

也朕既不敏弗能勝識

師古曰敏材智速疾也勝識盡知之此皆上世之

所不及而孝文皇帝親行之

師古曰上世謂德厚侔天地利澤施四海

師古曰侔靡不獲福明象乎日月而廟樂不稱朕甚懼焉師古曰稱副等也音牟靡反其爲孝文皇帝廟爲昭

德之舞

師古曰以明休德師古曰休美也然后祖宗之功德施

于萬世永無窮朕甚嘉之其與丞相列侯中二千石

禮官具禮儀奏丞相臣嘉等奏曰

師古曰申屠嘉陛下永思孝道立昭德之舞以明孝文皇帝之盛德皆臣嘉等愚所不及臣謹議壯功莫大於高皇帝德莫盛於孝文皇帝

高皇帝廟宜爲帝者太祖之廟孝文皇帝廟宜爲帝者

太宗之廟天子宜壯世獻祖宗之廟郡國諸侯宜各爲

孝文皇帝立太宗之廟諸侯王列侯使者侍祠天子所

獻祖宗之廟

張晏曰王及列侯歲時遣使詣京師侍祠助祭如淳曰若光武廟在章陵南陽太守

稱使者往祭是也不使侯王祭者諸侯不得祖天子凡

臨祭宗廟皆爲侍祭師古曰張說是也既云天子所獻

祖宗之廟非謂郡國之廟也請宣布天下制曰可春正月詔曰間者

歲比不登民多乏食夭絕天年朕甚痛之郡國或穢匱

列紋曰注麋鹿
食曰薦行曰
字

無所農桑斂畜師古曰曉謂曉拂瘠薄也。晦謂福隘也。
穀謂食養之畜謂收放也。饒音苦交反。
或地饒廣薦草莽冰泉利而不得徙莊周云
麋鹿食曰薦一曰
草莽曰莽深曰莽
翟字耳非本作紀之誤五月令半租秋七月詔曰更受所監臨以飲食免重受財物賤買貴賣論輕師古曰帝以爲當財物及賤買貴賣者論決太輕故令更議改之
與丞相更議著令蘇林曰著音著贊之著師古曰蘇廷尉信謹與丞相議曰相申署嘉吏及諸有秩受其官屬所監所治所行所將師古曰行謂按其與飲食計償費
尉信謹與丞相議曰相申署嘉吏及諸有秩受其官屬所監所治所行所將師古曰行謂按其與飲食計償費

勿論師古曰計其所費而它物若買故賤賣故貴皆坐臧爲盜沒入臧縣官言非飲食者吏遷徙免罷受其故官屬所將監治送財物奪爵爲士伍免之
李奇曰有爵士伍有位者免官也。師古曰此說非也。謂奪其爵公爲士伍又免其官職即今律所謂除名也。謂之士伍者言從士卒之伍也。無爵罰金二斤令沒入所受有能捕告畀其所受臧師古曰畀與也以所受之臧與捕告者也。畀音必寐反

二年冬十二月有星孛于西南令天下男子年二十始傳師古曰舊法二十三今此二十更傳爲異制也。傳讀曰附解在高紀春三月立皇子德爲河間王閼爲臨江王師古曰閼音一曷反餘爲淮陽王非爲汝南王彭祖爲廣川王發爲長沙王夏四月壬午太皇太后崩服虔曰文帝母薄太后也六月丞相嘉薨封故相國蕭何孫係

十二年甲子屠嘉
傳曰自嘉死
後陶青列舍
及武帝時許
昌薛次章有
翟趙周皆公列
矣繼踵雖之
廣謹冬至相
備貞而已无
所能教則功
名著於世焉

亡國謀反

破七國斬首十餘萬級追斬吳王濞於丹徒膠西王卬
楚王戊趙王遂濟南王辟光菑川王賢膠東王雄渠皆
自殺夏六月詔曰廼者吳王濞等爲逆起兵相脅誑誤
吏民吏民不得已師古曰已止也言不得而從之非本心也今濞等已滅
吏民當坐濞等及逋逃亡軍者皆赦之楚元王子藝等
與濞等爲逆師古曰朕不忍加法除其籍毋令汙宗室立平陸侯劉禮爲楚王續元王孟康曰禮元王子也立皇子端
爲膠西王勝爲中山王賜民爵一級

四年春復置諸關用傳出入應劭曰文帝十二年除關
國新反備非常無用傳至此復用傳以七

三年冬十二月詔曰襄平侯嘉晉灼曰紀通子也功臣表襄平侯紀通以父功封薨正與此合豈更名嘉乎子恢說不孝謀反欲以
殺嘉大逆無道晉灼曰恢說言嘉知反情而實不知也而自謀反欲令其父坐死也說讀曰悅其赦嘉爲襄平侯及妻子當坐者復故爵市今赦其餘子不與恢說謀者復其故爵論恢說及妻子如法春正月淮陽王宮正殿災吳王濞膠西
王卬楚王戊趙王遂濟南王辟光師古曰辟音壁又菑川王賢膠東王雄渠皆舉兵反大赦天下遣大尉亞夫周亞夫大將軍竇嬰將兵擊之斬御史大夫晁錯以謝七國晉灼曰錯音錯置之錯師古曰晁古朝字二月壬子晦日有蝕之諸將

戊晦日有蝕之。

五年春正月作陽陵邑

張晏曰景帝作壽陵起邑夏募民徙陽陵賜

錢二十萬遣公主嫁匈奴單于

六年冬十二月雷霖雨秋九月皇后薄氏廢

七年冬十一月庚寅晦日有蝕之春正月廢皇太子榮爲臨江王二月罷太尉官夏四月乙巳立皇后王氏丁巳立膠東王徹爲皇太子賜民爲父後者爵一級

苛周昌孫子爲列侯

師古曰封苛之孫及昌之子也苛昌皆嘗爲御史大夫而從昆弟也

故撝言之

二年春二月令諸侯王薨列侯初封及之國大鴻臚奏

列侯曰史記文景事最畧

漢令則頗有

所錄蓋取其博

采他胥成之故

於景帝世猶與

安為大鴻臚行

人為大行由他

書即景帝時

官記景帝世事

非自失改革耳

然則改諸官名

在武帝世無疑

非表誤也鄭氏

所疑下文光祿

大夫亦景帝所

改乎

劉敞曰梅景帝

三傳河間獻王薨

則非表誤也但官

史於此追舉是故

後官名耳

帝

謚謹策應劭曰皇帝延諸侯王賓王諸侯皆屬大鴻臚

曰景帝此年已置大鴻臚而百官表云武帝太初元年

更以大行爲大鴻臚與此錯師古曰謙者述累德行之

水反文音力如淳曰凡言除者除故官就新官也晉灼曰禮有大行

人小行人主謚官故以此名之臣瓊曰大行是官名掌

九儀之制以賓諸侯者師古曰大鴻臚者本名典客後

改曰大鴻臚大行令者本名行人即典客之屬官也後

改曰大行令故事之尊重者遣大鴻臚而輕賤者遣大

行也據此紀文則景帝已改典客爲大鴻臚改行人爲

大行矣而百官公卿表乃云景帝中六年更名典客爲

大行令武帝太初元年更名大行令爲大鴻臚更名行

人爲大行令當是表誤

也車馬曰贈師古曰

遂音遂贈音芳鳳反視喪事因立嗣子列侯薨遣太中

大夫弔徇視喪事因立嗣其薨葬國得發民輓喪穿復

土治墳無過三百人畢事師古曰輓謂引車也畢匈奴

則非表誤也但官

史於此追舉是故

後官名耳

帝

大夫弔徇視喪事因立嗣其薨葬國得發民輓喪穿復

土治墳無過三百人畢事師古曰輓謂引車也畢匈奴

則非表誤也但官

史於此追舉是故

後官名耳

帝

入燕改襟曰棄市應劭曰先此諸死刑皆磔於市今改

磔謂張其尸也棄市殺之於市也謂之棄市者取刑入於市與衆棄之也磔音竹客反

月臨江王榮坐侵太宗廟地徵詣中尉自殺夏四月有星孛于西北立皇子越爲廣川王寄爲膠東王秋七月

更郡守爲太守郡尉爲都尉師古曰更謂改其號九月封故楚趙

傳相內史前死事者四人子文賴曰楚相張尚太傅趙

此四人各諫其王無使反不聽皆殺之故封其子夷吾趙相建德內史王悍

三年冬十一月罷諸侯御史大夫官師古曰所以抑損其權春正

月皇太后崩

文賴曰景帝母竇太后以帝崩後六年崩亡凡立五十一年武帝建元六年崩

言皇太后崩誤耳孟康曰此太后崩史記無也臣瓚曰王撫云景帝薄后以此年殂疑是也當言廢后而言太后誤也師古曰孟說是也廢后而大

死不書又不言崩瓚解爲謬

夏旱禁酤酒師古曰酷謂賣酒也

九馬者始生三四五歲之間相齒至六歲新齒盡更生平均也六歲以後齒頭生故自六歲後依齒紋走歲也蓋齒未平者言朴歲馬也生故自六歲

毛詩一卷漢書音工秋九月蝗有星孛于西北戊戌晦日有蝕之立皇子乘爲清河王

四年春三月起德陽宮臣瓚曰是景帝廟也帝自作之謂不言廟故言宮西京故事云

景帝廟爲德陽宮御史大夫綰奏禁馬高五尺九寸以上齒未平

不得出關服虔曰綰衛綰也馬十歲齒下平

夏蝗秋赦徒作陽陵者死

罪欲腐者許之蘇林曰宮刑其創腐臭故曰腐也如淳曰如說是腐音輔

曰如說是腐音輔十月戊午日有蝕之

五年夏立皇子舜爲常山王六月赦天下賜民爵一級

秋八月己酉未央宮東闕災更名諸侯丞相爲相師古所異於漢朝

之九月詔曰法令度量所以禁暴止邪也獄

人之大命死者不可復生吏或不奉法令以貨賂爲市

劉政曰此年記
亦然

商

卦紀元光元年任官割其腹也

朋黨比周

師古曰比音頻寐反

以奇爲察以刻爲明令亡罪者失

職朕甚憐之

失其常理也

有罪者不伏罪姦法爲暴

甚立謂也

諸獄疑若雖文致於法而於人心不厭者輒

譏之反譏平議也音魚列反

六年冬十月行幸雍郊五畤十二月改諸官名定鑄錢

僞黃金棄市律

應劭曰文帝五年聽民放鑄律尚未除

費轉相誑燿窮則起爲盜賊故定其律也孟康曰民先

時多作僞金故其語曰金可作世可度費損甚多而終

不成民亦稍知其意犯者希

因此定律也師古曰應說是

春三月雨雪師古曰雨于具反夏

四月梁王薨分梁爲五國立孝王子五人皆爲王五月

詔曰夫吏者民之師也車駕衣服宜稱

師古曰稱其官也音天孕反

吏六百石以上皆長吏也

張晏曰長大也

亡度者或不

吏服出入閭里與民亡異令長吏二千石車朱兩轓

應劭曰車耳反出所以爲之藩屏翳塵泥也二千石雙朱其

兩屏也師古曰據許慎李登說轡車之蔽也左氏傳云

以藩載欒盈即是郭蔽之車也言車耳反出非矣轡

音甫元反轓音方遠反

千石至六百石朱左轓車騎從者不稱其

應劭曰京兆尹左馮翊右扶風共治

京兆尹

中尉及左右內史也應說失之

請

官衣服下吏出入閭巷亡吏體者二千石上其官屬

應劭曰長安城中是爲三輔師古曰時未有

爵中尉及左右內史也應說失之

請

之先是更多軍功車服尚輕故爲設禁又惟酷吏奉憲

失中廼詔有司減笞法定筆令語在刑法志

師古曰漢儀音止繁反

失中廼詔有司減笞法定筆令語在刑法志

師古曰如淳曰漢儀音止繁反

注太僕牧師

諸侯三十六所分布北邊西邊以郎爲苑監官奴婢三

萬人養馬三十萬疋師古曰武泉雲中之縣也養馬獸

使耳

謂牧馬處爲苑故吏卒戰死者二千人秋七月辛亥晦日有蝕之

後元年春正月詔曰獄重事也人有智愚官有上下獄疑者讞有司有司所不能決移廷尉有令讞而後不當讞者不爲失師古曰假令讞訖其理不當所讞之人不爲罪失欲令治獄者務先寬三月赦天下賜民爵一級中二千石諸侯相爵右庶長如淳曰雖有尊官未必有高爵故數有賜爵師古曰右庶長第十一爵也夏大酺五日民得酤酒五月地震秋七月乙巳晦日有蝕之條侯周亞夫下獄死

二年冬十月省徹侯之國晉灼曰文紀遣列侯之國今省之師古曰省音所領反

春匈奴入鴈門太守馮敬與戰死發車騎材官屯師古曰屯

鴈門春以歲不登禁內郡食馬粟沒入之師古曰食讀曰餉沒入者沒入

其夏四月詔曰雕文刻鏤傷農事者也錦繡纂組害女

紅者也應劭曰纂今五采屬綺是也組者今綬紛綴是也臣瓊曰許慎云纂赤組也師古曰瓊說是也

綺讀曰功綺音子內反絰音它牢反農事傷則飢之

本也女紅害則寒之原也夫飢寒並至而能亡爲非者寡矣朕親耕后親桑以奉宗廟粢盛祭服爲天下先不

受獻減太官省繇賦師古曰省音所領反繇讀曰徭欲天下務農蠶素

有畜積以備災害師古曰畜音取也反老者以壽終幼孤得遂長師古曰遂成也

民食頗寡其咎安在或誅僞爲吏張晏曰以誅僞人爲獄並非也直謂訴白辨吏耳吏以貨賂爲市漁奪百姓

謂牧馬處爲苑故吏卒戰死者二千人秋七月辛亥晦日有蝕之

侵牟萬民

李奇曰牟食苗根蟲也侵牟食民比之縣丞
蛑賊也師古曰漁言若漁獵之為也

之縣丞

長吏也奸法與盜盜甚無謂也

當治而知情反佐與之是則共盜無異也師古曰與盜盜者共盜為盜耳

其令二千石各脩

其職不事官職耗亂者丞相以聞請其罪

師古曰耗不明也讀與耗同

不

同音莫報反布告天下使明知朕意五月詔曰人不患其不知患其爲詐也不患其不勇患其爲暴也不患其不富

患其亡狀也其唯廉士寡欲易足今訾筭十以上廼得

官服虔曰訾萬錢筭百二十七也應劭曰古者疾吏之官貪衣食足知榮辱限訾十筭廼得為吏十筭十萬也

賈人有財不得為吏廉士無訾又不得官故誠訾四筭得官矣師古曰訾讀與貨同它皆類此

不必衆有市籍不得官朕甚愍之訾筭

四得官亡令廉士久失職貧夫長利

師古曰長利長獲其利

秋大

旱

周亞夫傳取庸若之不与錢往庸與貸也若謂極苦使也

三年春正月詔曰農天下之本也黃金珠玉飢不可食

寒不可衣以爲幣用不識其終始師古曰幣者所以通有無易貴賤也

歲或不登意爲末者衆農民寡也其令郡國務勸農桑

益種樹可得衣食物師古曰樹殖也

玉者坐臧爲盜韋昭曰發民用其民取庸用其資以顧庸

二千石聽者與同罪皇太子冠賜民爲父後者爵一級甲子帝崩于未央

宮臣蕡曰帝年三十二即位十六年壽四十八

遺詔賜諸侯王列侯馬二

駟師古曰駟八匹也吏二千石黃金二斤吏民戶百錢出宮人歸

其家復終身音方目反

二月癸酉葬陽陵

臣蕡曰自崩及葬凡十日

陽陵在長安東

北四十五里

贊曰孔子稱斯民三代之所以直道而行也

師古曰此論語載孔

子之辭也言此今時之人亦夏殷周之所取以政化淳一故能直道而行傷今不然信哉周秦之敝罔密文峻而姦軌不勝不可勝漢興掃除煩苛與民休息至于孝文加之以恭儉孝景遵業五六十載之間至於移風易俗黎民醇厚

師古曰黎農也醇不澆雜周云成康漢言

文景美矣

列敘曰景紀以御史大夫商青為真跡又言官有大鳴肺者御大夫又令三輔舉不如今者又載皇太后崩皆其錯誤者不知班氏之誤或後世之其書尚有追補之志

景帝紀第五

武帝紀第六

班固

漢書六

正議大夫行秘書少監琅邪縣開國子顏

師古注

孝武皇帝

荀悅曰謚微之字曰通應節禮謚法威強睿德曰武

景帝中子也母

曰王美人

師古曰外戚傳美人比二千石視少上造年四歲立爲膠東王七年

爲皇太子母

爲皇后十六歲後三年正月景帝崩

張晏曰武帝以景帝元年生七歲爲太子十歲而景帝崩時年十六矣師古曰後三年景帝後三年也甲子

太子即皇帝位

尊皇太后竇氏曰太皇太后皇后曰

皇太后三月封

皇太后同母弟田蚡勝皆爲列侯

蘇林曰蚡音鼴鼠之鼴師古曰

亦鼴鼠字也音扶粉反

建元元年

師古曰自古帝王未有年号始起於此

冬十月詔丞相御史列

侯中二千石二千石諸侯相舉

賢良方正直言極諫之

士丞相綰衛綰也奏所舉賢良或治申商韓非蘇秦張

儀之言

應劭曰申不害韓昭侯相也衛公孫鞅爲秦孝

秦

關東從長張儀爲秦昭王相爲衛說以抑諸侯李

奇曰申不害書執術商鞅爲法賞不失卑刑不諱尊

深刻無恩德韓非兼行申商亂國政請皆罷奏可春二

月赦天下賜民爵一級年八十復二筭九十復甲卒

張

華車之賦也

師古曰復音方目反豫行三銖錢

新壞四

銖錢造此錢也重

如其文見食貨志

夏四月己巳詔曰古之立教鄉里以

奉高年古之道也

師古曰六十年者五十日艾

今天下孝子順孫願

自竭盡以承其親外迫公事內乏資財是以孝心闕焉

朕甚哀之民年九十以上

已有受鬻法

師古曰給米粟以爲糜鬻鬻音

齒朝廷以爵扶壯導民莫善於德然則於鄉里先耆艾

奉高年古之道也

師古曰六十日艾

今天下孝子順孫願

自竭盡以承其親外迫公事內乏資財是以孝心闕焉

朕甚哀之民年九十以上

已有受鬻法

師古曰給米粟以爲糜鬻鬻音

反者豫及之辭也有子即復子無子

即復孫也遂申也復音方目反

里其令祠官脩山川之祠爲歲事

孟康曰爲農耕也於此造之歲以爲常故

歲七國幣輸在官者

應劭曰吳楚七國反時其首事者常是也總致散耳非止祈農曲加禮有所加益赦吳

歲遣之師古

帑讀與孥同曰秋七月詔曰衛士轉置送迎二萬人

鄭氏曰去故置新常二萬人其省萬人罷苑馬以賜貧民

之苑舊禁百姓不得芻牧采樵今罷之議立明堂遣使者安車蒲輪束帛加璧徵

曾申公師古曰以蒲裏

曾申公輪取其安也

二年冬十月御史大夫趙綰坐請母奏事太皇太后及

郎中令王臧皆下獄自殺

應劭曰禮婦人不豫政事時帝已自身省萬機王臧儒者

欲立明堂辟雍太后素好黃老術非薄五經因欲絕奏事太后太后怒故殺之丞相嬰太尉蚡

免師古曰竇春二月丙戌朔日有蝕之夏四月戊申有

如上日夜出初置茂陵邑應劭曰武帝自作陵也師古曰本槐里縣之茂鄉故曰茂陵

三年春河水溢于平原大飢人相食師古曰河溢之處損害田畝故大飢

賜徒茂陵者戶錢二十萬田二頃初作便門橋蘇林曰四十里服虔曰在長安西北茂陵東師古曰便門長安城北面西頭門即平門也古者平便皆同字於此道作

橋跨渡渭水以趨茂陵其道易直即今所謂便橋是其處也便讀如本字

秋七月有星孛于西北濟川王明坐殺太傅中傳廢遷防陵應劭曰中傳官者也師古曰防陵漢中縣也今謂之房州閩越圍東甌爲閩越王惠帝立搖爲東海王都東甌故號東甌

師古曰甌音一侯反東甌告急遣中大夫嚴助持節

發會稽兵浮海救之未至閩越走兵還九月丙子晦日

有食之

四年夏有風赤如血六月旱秋九月有星孛于東北

五年春罷三銖錢行半兩錢師古曰新鑄作也

置五經博士夏

四月平原君薨服虔曰王皇后之母武帝外祖母

五月大蝗秋八月廣

川王越清河王乘皆薨

六年春二月乙未遼東高廟災夏四月壬子高園便殿

火師古曰凡言便殿便室便坐者皆非正大之處所以就便安也園者於陵上作之既有正寢以象平生正

殿又立便殿爲休息宴安之處耳說者不曉其意乃解云便殿便室皆是正名斯大惑矣尋石建韋玄成孔光等傳其義可知

便讀如本字

上素服五日五月丁亥太皇太后崩秋

八月有星孛于東方長竟天閩越王郢攻南越遣大行

王恢將兵出豫章大司農韓安國出會稽擊之未至越

人殺郢降兵還

元光元年

臣瓊曰以長星見故爲元光

冬十一月初令郡國舉孝廉

各一人

師古曰孝謂善事父母

謂清潔有廉隅者

衛尉李廣爲驍騎將軍

屯雲中中尉程不識爲車騎將軍屯鴈門六月罷夏四

月赦天下賜民長子爵一級復七國宗室前絕屬者

帥

古

曰此等宗室前坐七國反故絕屬今加恩赦之更令上屬籍於宗正也復音扶目反

五月詔賢良

曰朕聞昔在唐虞畫象而民不犯

應劭曰二帝但畫衣冠異章服而民不敢犯也

犯也師古曰白虎通云畫象者其衣服象五刑也犯墨者蒙卽犯劓者以赭著其衣犯鰻者以墨蒙其頭而畫之犯宮者辱犯大辟者布衣無領墨謂以墨點其面也剝截其鼻也鰻去膝蓋骨也宮割其陰也辱草屨也

劓音牛鼻反字或作剝其音同

日月所燭莫不率俾

師古曰燭照也率循也俾使也周之成康刑錯不用錯置也

言皆循其貢職而可使也周之成康刑錯不用錯置也

德及鳥獸教通四海外肅沓

晉灼曰東夷傳今挹婁地是也在扶

音千餘之東北千餘里大海之濱師古曰周書序云成王既伐東夷肅沓來賀即謂此

北發渠搜

服虔曰地理志朔方有渠搜縣臣瓊曰孔子三朝記云比發

之河西戎晉灼曰王恢傳比發月文可得而臣似國名也

渠搜南撫交趾此舉北以南爲對也禹貢渠搜在金城河關

西北即可徵發渠搜而役屬之瓊說近是

言氏羌徒服

師古曰條古往來之字也氏音丁奚反

星辰不孛

日月不蝕山陵不崩川

谷不塞麟鳳在郊藪河洛出圖書鳴虛何施而臻此與

呼嘆辭也臻至也

今朕獲奉宗廟夙興以求夜寐以

思夜寐夜久方寐也若涉淵水未知所濟猗與偉與

師古曰猶美也偉大也與辭也言

何行而可下呂章先帝

之洪業休德

師古曰章明也

上參堯舜下配三王

師古曰大也休美也

支餘東九千餘里之國也在

余

師古曰辱讀曰呼鳴呼嘆辭也臻至也

今朕獲奉宗廟夙興以求夜寐以

呼嘆辭也臻至也

美而且大也與讀曰歟音弋於反

何行而可下呂章先帝

之洪業休德

師古曰章明也

上參堯舜下配三王

師古曰大也休美也

余

前漢記六

王夏朕之不敏不能遠德師古曰言德不及遠也此子大夫之所
睹聞師古曰子者人之嘉稱大夫舉官稱也志在優賢故謂之子大夫也謂古觀字賢良明於古今王事之體受策察問咸臣書對著之于篇篇謂竹簡朕親覽焉於是董仲舒公孫弘等出焉秋七月癸未日有蝕之

二年冬十月行幸雍祠五畤師古曰五帝之時也春詔問公卿曰朕飾子女臣配單于金幣文繡賂之甚厚單于待命加嫚侵盜亡已師古曰待命謂承詔命也慢與慢同邊境被害朕甚閔之今欲舉兵攻之何如大行王恢建議宜擊夏六月御史大夫韓安國爲護軍將軍衛尉李廣爲驍騎將軍太僕公孫賀爲輕車將軍大行王恢爲將屯將軍大中大夫李

息爲材官將軍將三十萬衆屯馬邑谷中誘致單于欲襲擊之單于入塞覺之走出六月軍罷將軍王恢坐首謀不進下獄死師古曰首爲此謀而反不進擊匈奴輒重秋九月令民大酺五日

三年春河水徙從頓丘東南流入勃海師古曰頓丘丘衛地也地理志屬東郡今則在魏州界焉夏五月封高祖功臣五人後爲列侯河水決濮陽汜師古曰濮陽東郡之縣也水所汜及凡十六郡界也汜音敷朝發卒十萬救決河起龍淵宮服夏曰宮在長安西也如淳曰三輔黃圖云有龍淵宮今長安城西有其處備洫志潰河決亦起龍淵宮於其傍孟康曰在西平界其水可用淬刀劍特堅利古龍淵之劍取於此水師古曰黃圖云龍淵廟在茂陵東不言宮也此言救決河起龍淵宮即宮不在長安之西矣又漢章帝賜尚書韓侯龍淵劍孟說是也淬音千內反說是

劉敷曰予謂作
阻險者通道
令平易以便
伐匈奴耳

給

宋初舊本正
文續作給

四年冬魏其侯竇嬰有罪棄市師古曰以黨灌夫也春三月乙卯

丞相蚡薨夏四月墮霜殺草五月地震赦天下

五年春正月河間王德薨夏發巴蜀治南夷道又發卒

萬人治鴈門阻險師古曰所以爲固用止匈奴之冠秋七月大風拔木

乙巳皇后陳氏廢捕爲巫蠱者皆梟首八月螟師古曰食苗心

莫經反徵吏民有明當世之務習先聖之術者縣次

續食令與計偕師古曰計者上計簿使也郡國每歲遣

上計者俱來而縣次給之食後世訛誤因承此語遂

謂上計爲計偕闕駟不詳妄爲解說云秦漢謂諸侯朝

使曰計偕偕次也晉代有計偕簿

又改偕爲階失之彌遠致誤後學

六年冬初筭商車李奇曰始稅商賈車船令出筭

春穿漕渠通渭如淳曰水

轉運曰漕師古曰音才到反匈奴入上谷殺略吏民遣車騎將軍衛

青出上谷騎將軍公孫敖出代輕車將軍公孫賀出雲中驍騎將軍李廣出鴈門青至龍城應劭曰匈奴單于其處爲龍城

祭天大會諸國名

所從來久間者匈奴數寇邊境故遣將撫師古者治兵

振旅因遭虜之方入將吏新會上下未輯晉灼曰入猶還也不得已

而用兵言師不踰時也入或作人因其習俗土地之宜

而教革之也師古曰晉說非也詔言古者出則治兵入

則振旅素練其衆不虧戎律今之出師因遭寇虜方入

爲害而將吏新會上下未和故校尉棄車而奔北也輯

與集代郡將軍敖鴈門將軍廣所任不肖師古曰肖似同無所象類謂不肖者言

小吏也用兵之法不勤不教將率之過也教令宣明不能盡力士卒之罪也將軍已下廷尉使理正之師古曰謂以下

身付廷尉也。理法也。言以法律處其罪。下音胡稼。反他皆類此。而又加法於士卒二

古而古曰一朝重則無日復者並行非仁聖之心朕閔衆庶陷害欲刷耿改行曰刷

陽七音
所劣反
復奉正義
勵路亡繇
從正道也
繇讀與由同

其赤鳳門仁郡軍士不術法者從也由也夏大旱蟲六月行幸雍秋匈奴盜邊遣將軍韓安國屯魚陽

應劭曰胡蘇也孟軻曰后來其蘇蘇萬民品物大繁息他師古曰朔猶始

爲初始也。蘇息之息，非息生義。應說失之。冬十一月詔曰：公卿大夫所使總

方畧壹統類廣教化美風俗也夫本仁祖義褒德祿賢

謂以仁義爲本始五帝三王所繼昌也

王夏殷周也。繇讀與由同。

三至六月主西方爲守氣到正月而之水主之在西方者非

THE HISTORY OF THE AMERICAN REVOLUTION

卷之三

者加惠於耆老之人若賓旅也復孝敬者謂優復孝弟之人也復音方目反

謂和習之稽參政事，祈進民心，祈求也。深詔執事興廢，舉孝庶幾成風。詔林聖者：師古曰休美也。繕業也。言紹

是宗廟祭廟之經作聖經先聖之休緒也故下言昭先帝聖

語稱孔子云十室之邑必有忠信如丘者焉又曰三人行必有我師焉擇其善者而從之其不善者而改之故

詔引今或至閩郡而不薦一人。師古曰：閩，閩也。總一
郡之中，故云閩郡。

師古曰竊竟也

也雍讀曰壅二千石官長糲紙人倫守尉縣之令長紫

崇鄉黨之訓，或且進賢受上賞，蔽賢蒙顯戮，古之道也。

其與中二千石禮官博士議不舉者罪有司奏議曰古

卷之二

者諸侯貢士壹適謂之好德服愛曰適再適謂之賢賢

三適謂之有功廼加九錫

應劭曰一曰車馬二曰衣服三曰樂器四曰朱戶五曰納

陞六曰虎賁百人七曰鉞鉞八曰弓矢九曰秬鬯此皆天子制度尊之故事事錫與但數少耳張晏曰九錫經本無文周禮以謂九命春秋說有之臣瓚曰九錫備物伯者之盛禮齊桓晉文猶不能備今三進賢便受之似不然也當受進賢之一錫尚書大傳云三適謂之有功

賜以車服弓矢是也師古曰總列九錫應說是也進賢

一錫瓚不貢士壹則黜爵再則黜地三而黜爵地畢矣

說是也李奇曰爵地俱削盡夫附下罔上者死附上罔下者刑與聞國政

而無益於民者斥

師古曰與讀曰在上位而不能進賢豫斥謂棄逐之

以不敬論張晏曰謂其不勤求士報國不察廉不勝任也當免

張晏曰當

者退此所以勸善黜惡也今詔書昭先帝聖緒令二千

右舉孝廉所以化元元移風易俗也不舉孝不奉詔當

右舉孝廉所以化元元移風易俗也不舉孝不奉詔當

而無益於民者斥

張晏曰當

陽不變物不暢茂

師古曰暢通也易曰通其變使民不倦

應劭曰黃

月甲子立皇后衛氏詔曰朕聞天地不變不成施化陰

陽不變物不暢茂

師古曰暢通也易曰通其變使民不倦

應劭曰黃

帝堯舜祖述伏羲神農結綱耒耜以日中爲市交易之

業因其所利變而通之使民知之不苦倦也師古曰此

易下繫之辭也言通物之變詩云九變復貫知言之選

應劭曰逸詩也陽數九人君當陽言變政復禮合於先

王舊貫知言之選選善也孟康曰貫道也選數也極天

之變而不失道者知言之數也臣瓚曰先王創制易教

古曰貫事也選擇也論語曰仍舊貫此言文質不朕嘉

同寬猛殊用循環復舊擇善而從之瓚說近之也朕嘉

唐虞而樂殷

據舊臣鑒新

師古曰追觀舊跡以其赦

天下與民更始諸逋貸及辭訟在孝景後三年以前皆

勿聽治

師古曰逋亡也久貧官物亡匿不還者皆謂之逋連音布胡反

秋匈奴入遼西

殺太守入漁陽鴈門敗都尉殺略三千餘人遣將軍魏

青出鴈門將軍李息出代獲首虜數千級東夷歲君南

間等于服慶曰穢猶在辰韓之北高句麗沃沮之南東窮

大海晉灼曰歲古穢字師古曰南間者歲君之

名

口二十八萬人降爲蒼海郡魯王餘長沙王發皆薨

二年冬賜淮南王菑川王几杖母朝

諸父列也故

春正月詔曰梁王城陽王親慈同生

愛發几杖焉

也願以邑分第其許之諸侯王請與子弟邑若朕將親

覽使有列位焉於是藩國始分而子弟畢侯矣匈奴入上谷漁陽殺略吏民千餘人遣將軍衛青李息出雲中

至高闕師古曰山名也一曰塞名也在朔方之北遂西至符離

比塞名也獲

首虜數千級收河南地置朔方五原郡三月乙亥晦日

有食之夏募民徙朔方十萬口又徙郡國豪傑及訾三百萬呂上于茂陵秋燕王定國有罪自殺

三年春罷蒼海郡三月詔曰夫刑罰所呂防姦也內長

文所呂見愛也晉灼曰長音長吏之長張晏曰長文長

而崇長之所以見仁愛之

道見謂顯示也昔胡電反以百姓之未洽于教化朕嘉

與士大夫曰新厥業祇而不解師古曰解讀曰辭其赦天下夏

匈奴入代殺太守入鴈門殺略千餘人六月庚午皇太后崩秋罷西南夷城朔方城令民大酺五日

四年冬行幸甘泉夏匈奴入代定襄上郡殺數千人

五年春大旱大將軍衛青將六將軍兵十餘萬人出朔方高闕獲首虜萬五千級夏六月詔曰蓋聞導民以禮

風之以樂師古曰風教也詩序曰上以風化下今禮毀樂崩朕甚閑焉故詳延天下方聞之士咸薦諸朝師古曰詳悉也延引也方道也聞博聞也言悉有方之士又曰博聞強識而讓謂之君子一曰方謂萬正其令禮官勸學講議洽聞舉遺興禮以爲天下先師古曰舉遺选之文而興禮學大常其議予博士弟子崇鄉黨之化以厲賢材焉師古曰爲博士置弟子既得崇化於鄉黨又以獎厲賢材之人丞相弘請爲博士置弟子員師古曰公孫弘學者益廣秋匈奴入代殺都尉六年春二月大將軍衛青將六將軍兵十餘萬騎出定襄斬首三千餘級還休士馬于定襄雲中鴈門赦天下夏四月衛青復將六將軍絕幕應劭曰慕沙慕匈奴之塞外度曰絕師古曰應賈二說皆是也而說者或云是塞外地名非矣幕者即今之突厥中嶺耳李陵歌曰經南界也臣瓊曰沙土曰

千里芳大克獲前將軍趙信軍敗降匈奴右將軍蘇建渡沙幕立軍獨身脫還贖爲庶人六月詔曰朕聞五帝不相復禮三代不同法所繇殊路而建德一也師古曰復因也音扶目反繇讀與由同以近遠今云定公與二書異蓋孔子對定公以遠臣瓊曰論語及韓子皆言葉公問政於孔子孔子答以遠近條遠哀公以論臣如淳曰韓非云齊景公問政仲尼曰政在節財非期不同所急異景公以節用問政仲尼曰政在節財非期不同所急異務也李奇曰期要也非要當必不同所急異務不得不不然今中國一統而北邊未安朕甚悼之日者大將軍巡朔方征匈奴斬首虜萬八千級諸禁錮又有過者咸蒙厚賞得免減罪師古曰有得減輕今大將軍仍復克獲師古曰頻也應劭曰貳音後言軍吏斬首虜萬九千級受爵賞而欲移賣者無所流貳士斬首虜爵級多無所

殺與今爲置武功賞官爵多者分與父兄子弟及賣與他
人也。師古曰：此說非也。許慎說文解字云：貽物之重
文第也。此詔言欲貽賣爵者無有差次，不得流行，故爲
置官級也。貺音弋。賜反。今俗猶謂凡物一重爲一貺也。

其議爲令有司奏請置武功賞官臣寵戰士。

元狩元年

應劭曰：獲白麟因改元曰元狩也。

冬十月行幸雍祠五畤獲

白麟

師古曰：麟麋身牛尾馬足黃色圜蹄一角角端有肉

作白麟之歌十一月淮

南王安衡山王

賜謀反音于具反

夏四月赦天下丁卯立皇太子

雨雪民凍死

師古曰：雨音于具反

十二月大

賜中二千石爵右庶長

師古曰：第十一等爵音丁昌反

民爲父後者一級詔

曰朕聞谷繇對禹曰：在知人知人則哲。惟帝難之

師古曰：尚書谷繇墓載谷繇之辭也。帝謂堯也。

蓋君者心也。民猶支體支體傷則心

惛怛

師古曰：惛痛也。怛悼也。惛音千感反。怛音丁昌反。

日者淮南衡山脩文學

流貸賂兩國接壤休於邪說

服虔曰：休也。如淳曰：休音怵。應劭曰：狃

誘休於邪說也。師古曰：作狀者非如說云見誘休其義

是也。而音怵惕又非也。休或體誅字耳。誅者誘也。音如

亥之戌。南越傳曰：不可休好語入朝諸如此例。音義同耳。今俗猶云相誣而說者或改爲銤。導之銤蓋穿

鑿也。謾音先

而造篡弑此朕之不德。詩云憂心慘慘念

始朕嘉孝弟力由哀夫老

詩古曰：小雅正月之詩也。憮憮憂戚之貌也。

已赦天下滌除與之更

下存問致賜

師古曰：致送至也。行音下更反。

曰皇帝使謁者

師古曰：謁者令使者

宣詔書之文

賜縣三老孝者帛人五匹鄉三老弟者力田帛

人三匹年九十以上及鰥寡孤獨帛人二匹絮三斤八

十呂上米人三石有寃失職使者呂聞

師古曰：職者失其常也。

業及常縣鄉即賜母贊聚如淳曰贊會也令勿擅徵召
贊聚三老孝弟力田也師古
理也即就也各選就其所居而賜之勿會聚也贊音之銘反

五月乙巳晦日有蝕之劔

奴入上谷殺數百人

二年冬十月行幸雍祠五畤春三月戊寅丞相弘薨遣
驃騎將軍霍去病出龍西至臯蘭應劭曰在隴西白石山千有餘里合短兵鑿臯蘭下則此山也非河名也
石縣在金城又不屬隴西
應說並失之鑿音烏曹反斬首八千餘級夏馬生余吾水中小。應劭曰在朔方北也南越獻馴象
章從人意也師古曰馴音應說是也能言鳥有之萬震南州異物志云有三種一種白一種青一種五色交州以南諸國盡有之白及五色者其性尤慧能蓋謂此也隨開皇十八年林邑國獻駒鶴時以為異是歲貢士咸試賦之聖皇歷屢有茲獻上以幽俊勞費撫慰弗受
將軍去病

余不詳
音節
余史記

列敍曰廣傳無此事而云廣當無實耳疑

公孫敖出北地二千餘里過居延師古曰居延匈奴中地名也韋昭以爲張掖縣失之張掖所置居延縣者以安慶所獲居延人而置此縣斬首虜三萬餘級匈奴入鴈門殺略數百人遣衛尉張騫郎中令李廣皆出右北平廣殺匈奴三千餘人盡亡其軍四千人獨身脫還及公孫敖張騫皆後期當斬贖爲庶人江都王建有罪自殺膠東王寄薨秋匈奴昆邪王殺休屠王師古曰昆音下門反并將其衆合四萬餘人來降置五屬國臣處之古晉音號而屬漢朝故曰屬國臣其地爲武威酒泉郡師古曰武威今涼州也酒泉今肅州

三年春有星孛于東方夏五月赦天下立膠東康王少子慶爲六安王封故相國蕭何曾孫慶爲列侯秋匈奴

入右北平定襄殺畧千餘人遣謁者勸有禾災郡種宿

麥

師古曰秋冬種之經舉吏民能假貸貧民者臣名聞

師

古曰如淳曰食貨志以舊吏弄法故謫使穿池更發有貸者

音吐戴反

里漢使求身毒國而爲昆明所閉今欲伐之故作昆明池象之以習水戰在長安西南周四十里食貨志又曰時越欲與漢用船戰遂乃大脩昆明池

為吏也臣瓚曰西南夷傳有越嶲昆明國有滇池方三

百里

漢使求身毒國而爲昆明所閉今欲伐之故作昆明池象之以習水戰在長安西南周四十里食貨志又曰時越欲與漢用船戰遂乃大脩昆明池

為吏也

師古曰謫吏吏有罪者罰而役之滇音顛

四年冬有司言關東貧民徙隴西北地西河上郡會稽

凡七十二萬五千口縣官衣食振業用度不足請收銀

錫造白金及皮幣以足用

應劭曰時國用不足以白鹿皮爲幣朝觀以薦璧又造銀

錫爲白金初筭繕錢

李斐曰繕絲也以貫錢也一貫千見食貨志錢出筭二十也臣瓚曰茂陵書諸

賈人未作貢貸置居邑儲積諸物及商以取利者雖無

市籍各以其物自占率繕錢二千而一筭此繕錢是儲

市籍各以其物自占率繕錢二千而一筭此繕錢是儲

錢也

謂有儲積錢者計其繕貴而稅之李說爲是繕音武巾

反春有星孛于東北夏有長星出于西北大將軍衛青

將四將軍出定襄

將軍去病出代各將五萬騎步兵踵

軍後數十萬人

師古曰踵接也猶言踵其踵

青至幕北圍單于斬首

萬九千級至闐顏山乃還

鄧侯曰音填塞之填

去病與左賢王戰

斬獲首虜七萬餘級封狼居胥山廻還

師古曰天築土爲封刻

石紀事以彰漢功

兩軍士死者數萬人前將軍廣後將軍食其

皆後期廣自殺食其贖死

如淳曰李廣傳引兵與右將

自到右將軍下吏當死贖為庶人霍去病傳亦云趙食

傳寫者誤以右爲

後食其音異基

五年春三月甲午丞相李蔡有罪自殺

文頤曰李廣從弟坐侵陵鬻地

前漢紀二

天下馬少平牡馬匹二十

如淳曰貴平牡馬
賈欲使人競畜馬

罷半兩

錢行五銖錢天下多猶
六年冬十用陽亟相弔下

吏民於邊也音乎凡反

晋书曰乘騎諸從者也師古曰流俗書蠻

夷錦各有差雨水亡冰音于具反夏四月乙巳廟立皇
子閔爲齊王旦爲燕王胥爲廣陵王師古曰於廟中策命之
誥服虔曰詰敦王如尚書詣誥也李斐曰今
敷封拜諸侯王策文亦是也見武五子傳
日者有司以幣輕多姦李奇曰幣錢也輕者若一馬直二十萬是爲幣輕而物重也重
難得則用不農傷而末衆謂工商也又禁兼并之途李奇曰更去半耕農也師古曰末
足而姦生謂工商也又禁兼并之途李奇曰更去半耕農也師古曰末
日謂大家兼役小民富者兼役貧民欲平之也文類曰不得復兼畜田宅作客
兼并者食祿之家不得治產兼取小民之利商人雖富
耕農也師古曰李說是故改幣呂約之李奇曰更去半耕農也師古曰末

皮幣以檢稽諸往古制宜於今也

從善義立則俗易意奉憲者所臣導之未明與與讀曰古
將百姓所安殊路而擣虔吏因乘執孟康侵蒸庶邪
曰虔固也矯稱上命以貨賄用爲固尚書曰寇攘矯虔
韋昭曰凡稱詐爲矯強取爲虔左傳曰虔豈我邊垂師
古曰擣與矯同其字從手矯訛也虔固也
也師古曰今遣博士大等六人分循行天下師古曰褚
擾煩也何紛然其擾
下更反存問鰥寡廢疾無音土戴反臣自振業者貸與之音大也行音
諭三老孝弟音古曰貸臣爲民師舉獨行之君子徵詣行在所如淳
曰蔡雍云天子以天下爲家自謂所居爲行在所言今
雖在京師行所在至耳師古曰此說非也天子或在京

師或出巡狩不可豫定故言行在所耳不得亦謂京師爲行也朕嘉賢者樂知其人廣宣厥道士有特招使者之任也

李奇曰設士有殊才異行當特招者任在使者

分別詳問隱處亡位及冤失職業姦猾爲害野荒洽苛者舉奏

師古曰野荒言田畝不耕也冤屈也失職失其常治苟爲政尚細刻

郡國有所召爲便者上丞相御史臣聞秋九月大司馬

驃騎將軍去病薨

元鼎元年

應劭曰得寶鼎故因是改元

夏五月赦天下大酺五日得

鼎汾水上

濟東王彭離有罪廢徙上庸

應劭曰春秋時庸國

二年冬十一月御史大夫張湯有罪自殺十二月丞相

青翟下獄死

莊青翟春起柏梁臺

服虔曰用百頭梁作臺因名焉師古曰三

輔舊事云以香柏爲之今書字皆作柏服說非

三月大雨雪

師古曰兩音于具反夏大水

關東餓死者呂半數秋九月詔曰仁不異遠義不辭難
師古曰遠近如一是爲仁也不憚艱難是爲義也今京師雖未爲豐年山林池澤之饑與民共之今水潦移於江南迫隆冬至朕懼其飢寒不活江南之地火耕水耨應劭曰燒草下水耨稻並生高七八寸草與稻並生高七八寸因悉芟去復下水灌之草死獨稻長所謂火耕水耨方下巴蜀之粟致之江陵遣博士中等分循行師古曰行音下更反諭告所抵無令重困曰抵至也重音直用反吏民有振救飢民免其危者具舉臣聞

三年冬徙函谷關於新安應劭曰時樓船將軍楊僕數徙東關以家財給其用度武帝意亦好廣闊於是徙關於新安去弘農三百里孟康曰有不輸稅之正月戊子陽陵園火夏四月雨雹師古曰兩音于具反關東郡

國十餘飢人相食常山王舜薨子敦嗣立有罪廢徙房

陵

四年冬十月行幸雍祠五畤賜民爵一級女子百戶牛酒行自夏陽東幸汾陰

師古曰

夏陽

馮翊

之縣也

十一

汾陰屬河東

汾音扶云反

長四五里廣二里餘高十餘丈

汾陰

縣治

汾之上后土

祠在縣西汾在脰之北西流與河合

師古曰

二說皆是

也脰者以其形高起如人尻脰故以名云

一說此臨汾水之上地本名鄒音與葵同彼鄉人呼葵音如誰故轉而爲脰字耳故儀云葵上

禮畢行幸榮陽還至洛陽詔曰祭地奠

漢舊儀云葵上

州周時乃分爲并州爾雅曰兩河間曰冀州

贍望河洛

巡省豫州觀于周室邈而無祀

師古曰邈遠絕之意

詢問耆老廼得孽子嘉紹其封嘉爲周子南君

臣瓚曰汲冢古文謂衛將軍文爲子南彌

牟其後有子南固子南勁紀年勁朝于魏後惠成王如

猶命子南爲侯秦并六國衛最後士疑嘉是衛後故氏

子南而稱君也初元五年爲周承休侯元始四年爲鄭

公建武十三年封於觀爲衛公

師古曰子南其封邑之號以爲周後故揔言周子南君瓚說非也例不先

言姓而後稱君且自嘉已下皆姓姬氏著在史傳呂奉

上將軍六月得寶鼎后土祠旁秋馬生渥洼水中

李斐曰南陽新野有渥洼池當武帝時遭刑屯徵界數於此

水旁見群野馬中有奇者輿凡馬異來飲此水利長先

作土人持勒靽於水旁後馬玩習久之代土人持勒靽

收得其馬獻之欲神異此馬云從水中出蘇林曰渥音

窪曲之窪師古曰渥音抵洼音於佳反

作寶鼎天馬之歌立常山憲王子

商爲泗水王

五年冬十月行幸雍祠五畤遂踰隴也

師古曰即今之

丁禮反

登空同山名也西臨祖厲河而還

李斐曰音嗟頽十

宋初曰景祐本無子孚

宋祁曰注文曰本作元始三年遺音三字此本ノ刊誤校平紀改正

隴山陁音登空同山名也西臨祖厲河而還音嗟頽十

祖石音

劉攽曰予親
省鳥圭詔

一月辛巳朔旦冬至立泰畤于甘泉天子親郊見曰祠
太一也見朝日夕月應劭曰天子春朝日秋夕月朝音胡電反
時皇帝平旦出竹宮東向揖日其夕西南向揖月便用郊日不用春秋也師古曰春朝朝日秋暮夕月蓋常禮也郊泰時而揖日月此又別儀詔曰朕呂眇身託于王侯之上師古曰德未能綏民綏安也民或飢寒故巡祭后土呂祈豐年冀州雕壤廻顯文鼎獲薦於廟師古曰得鼎祠旁謂土也文鼎言渥注水出馬朕其御焉戰戰兢兢懼不其有刻鏤之文也

克任思昭天地內惟自新詩云四牡翼翼呂征不服親省邊垂用事所極李斐曰極至也所至者望見泰一條天文檀文頴曰檀祭也晉灼曰檀古禪字也臣瓊曰此天文從初祭太時於甘泉此祭天於大禮也祭天則二說是也朝日夕月即天文檀之謂也辛卯夜若景光

十有二明易曰先甲三日後甲三日應劭曰先甲三日也言王者齊戒必自新臨事必自新師古曰此易蠱卦之辭朕甚念年歲未咸登百穀成飭躬齋戒師古曰飭整丁酉拜況于郊沈賜也辛夜有光是先甲三日也丁酉拜夏四月南越王相呂嘉反殺漢使者及其王王太后赦天下丁丑晦日有蝕之秋蠹蝦墓鬪師古曰蠹蟲也似蝦墓而長脚其色青豫章下湞水鄭氏曰湞音檼孟康曰湞音貞蘇林曰湞音檼柱之檼師古曰蘇音是也音文庚反遣伏波將軍路博德出桂陽下湟水樓船將軍揚僕出歸義越侯嚴爲戈船將軍出零陵下離水張晏曰嚴故義侯越人於水中寘人船又有蛟龍之害故置戈於船下因以爲名也臣瓊曰伍子胥書有戈船以載干戈因謂之戈船也離水出零陵師古曰以樓船之例言之則非爲載干戈也此蓋船下安戈戟以御蛟鼈水蟲之害

劉備同船下安
戈既難構置
又不可以行且
今違舟船甚多
未嘗有至者
北人不知行
船故信張說
予諱贊說是

軍情時所遠
之官如驃騎
虎牙之類是
也。或今有
之說于說于
上以禦敵也。

近之瀨中國謂之磧伍子胥書皆將罪人江淮呂南擾船
十萬人越馳義侯遺越人也。如淳曰音潘愚尉佗所九月列
兵下牂柯江咸會番禺都師古曰即今之廣州。
周下獄死服虔曰因八月獻酎宗廟時使諸侯各獻
口酌黃金於漢廟皇帝臨受獻金金少不如斤兩色惡
王削縣侯免國臣攢曰食貨志南越反時卜式上書願
死之天子下詔褒揚布告天下天下莫應列侯以百數
莫求從軍至酌飲酒少府省金而列侯坐酌金失侯者
百餘人而表云趙周坐為丞相知列侯酌金輕下獄自
殺然則知其輕而不糾擿之也。師古曰酌三重釀醇酒
也。音文樂通侯擧大坐誣罔要斬西羌衆十萬人反與
匈奴通使攻故安圍枹罕。節儀曰枹罕音鉄罕音漢師古
教反。枹罕金城之縣也。罕讀如

本匈奴入五原殺太守

六年冬十月發龍西天水安定騎士及中尉河南河內

卒十萬人遣將軍李息郎中令徐自為征西羌平之行

東將幸緜氏師古曰河南縣

桐鄉其名也

也

緜音工侯反

至左邑桐鄉師古曰左邑

河東之縣也

其鄉新中得呂嘉首

呂為獲嘉縣馳義侯遣兵未及下上

便令征西南夷平之

師古曰便

音頻而反遂定越地呂為南海蒼

梧鬱林合浦交趾九真日南珠厔儋耳郡

應劭曰二郡在大海中崖

岸之邊出眞珠故曰珠厔儋耳者種大耳漁率自為王者耳尤綴下肩三寸張晏曰異物志二郡在海中東西千里南北五百里珠崖言珠若崖矣儋耳之云鑿其頸皮上連耳匡分爲數支狀似鷄腸累耳下垂臣攢曰茂陵書珠崖郡治暉都去長安七千三百一十四里儋耳去長安七千三百六十八里領縣五師古曰儋耳音丁廿

反瞻字本作

定西南夷臣爲武都牂柯越巂沈黎文山郡

嶲不情
音臘

孟康曰嶲音臘本巾都朋夏曰今蜀郡北部都尉所治百三十五里領縣二十一應劭曰文山今蜀郡岷山本冉駒是也

秋東越王餘善反攻

殺漢將吏遣橫海將軍韓說中尉王溫舒出會稽

說言

悅曰樓船將軍楊僕出豫章擊之又遣浮沮將軍公孫

賀出九原

臣瓊曰浮沮井名在匈奴中去九原二千里見漢輿地圖師古曰沮音子閭反匈奴

將軍趙破奴出令居

臣瓊曰匈奴河水名在匈奴中去令君子千里見匈奴傳師古曰令音鈴

皆二千餘里不見虜而還迺分武威酒泉地置張掖敦煌郡

師古曰敦音徒門反

徙民呂實之

元封元年

應劭曰泰山故改年始封

冬十月詔曰南越東甌咸伏其

皋西蠻北夷頗未輯睦

師古曰輯與集同集和也朕將巡邊垂擇兵

利皆此石本名若
母石武帝避景
許更号玄后母
石後人又誤重
出帝子非史之
追書也

振旅躬秉武節置十二部將軍親帥師焉行自雲陽北歷上郡西河五原出長城北登單于臺至朔方臨北河勒兵十八萬騎旌旗徑千餘里威震匈奴遣使者告單于曰南越王頭已縣於漢北闕矣單于能戰天子自將待邊不能亟來臣服師古曰亟急何但亡匿幕北寒苦之地爲匈奴饗焉師古曰饗失氣還祠黃帝於橋山應劭曰在上郡周陽廻歸甘泉東越殺王餘善降詔曰東越險阻反覆爲後艱患遷其民於江淮間遂虛其地春正月行幸綏氏詔曰朕用事華山至于中嶽文頃曰嵩高縣有黃帝冢也其母塗山氏女也禹治鴻水通轔轔山化爲熊謂塗山氏曰欲餉聞鼓聲乃來禹跳石誤中鼓塗山

宋祁曰新本作
登嵩高

列曰八神則郊祀
去浙說天主地主
兵主將主陽主日
主月主四時主也
其祠皆在齊地
故號皇東也
上行礼祠之而
其帝亦然

礼不清

之內莫不爲郡縣四夷八蠻咸來貢職與天無極人民
番息天祿永得尚玄酒而俎生魚下禪梁父祀地主示
增廣此古制也武帝封廣丈二尺高降坐明堂臣瓚曰
九尺其下則有膝書祕語在郊祀志初天子封太山太山東北趾古時有明堂明年秋乃作明堂耳詔曰朕呂眇
身承至尊師古曰眇微細也兢兢焉惟德蓀薄不明于禮樂師古曰
曰非亦薄也音敷尾反又音扉故用事八神文頴曰武帝祭太一并祭
通鬼道故言用事八神也遭天地況施應劭曰况賜也施與
神也一曰八方之神謂天也言天地神靈乃賜我瑞著見景象肅然如有聞臣瓚曰聞呼萬震于怪物
欲止不敢遂登封泰山至于梁父然後升禪肅然服虔曰增
天之高歸功於天禪闡也廣土地也蕭然山名也在梁父張晏曰天高不可及於大山上立封又禪而祭之異近神靈也師古曰自新嘉興士大夫更始其呂十月爲元
曰父讀曰甫

封元年行所巡至博奉高蛇丘歷城梁父鄭氏曰民田蛇音發

氏往見禹方作熊愁而去至嵩高山下化爲石方生啓禹曰歸我子石破北方而啓生事見淮南子景帝諱啓今此詔云啓母蓋史翠曰親登崇高應劭曰御史乘屬里師古曰乘屬如晉二說是也乘音食證反登禮罔不荅師古曰登禮於神無不荅其令祠官加增太室祠韋昭曰嵩高山有太室少室之山山有石室故以名云禁無伐其草木呂山下户三百爲之奉邑名曰崇高師古曰謂之崇者示尊崇之奉音疾用反獨給祠復亡所與目反與讀曰湏行遂東巡海上夏四月癸卯上還登封泰山孟康曰王者成功於天封崇也助天之高也刻石紀号有金葉石函金泥玉檢之封焉應劭曰封者壇廣十二丈高二丈階三等封於其上示增高也刻石紀績也立石三丈一尺其辭曰事天以禮立身以義事親以孝育民以仁四守

肩音切本云肩先結及于肩門說文云動作切也一日敬也又掌也

宋祁曰參詳

相逋賦貸已除師古曰逋賦未出賦者也逋貸官加

以物貸之而未還也貸音吐戴反加年

七十日上孤寡帛人二匹四縣無出今年筭師古曰博

五縣今云四縣母出筭者奉高一縣素以供神非筭限也

賜天下民爵一級女子百

戶牛酒行自泰山復東巡海上至碣石文穎曰在遼西屬臨榆此石著海旁師古曰碣然特立之兒也音其列反

自遼西歷北邊九原歸

于甘泉秋有星孛于東井又孛于三台齊王閔薨

二年冬十月行幸雍祠五畤春幸綏氏遂至東萊夏四

月還祠泰山至瓠子臨決河服虔曰瓠子堤名也在東南濮陽以比廣郡白馬蘇林曰在鄆城以百步深五丈

命從臣將軍呂下皆負薪塞河隄作瓠

子之歌赦所過徒賜孤獨高年米人四石還作甘泉通

天臺長安飛廉館應劭曰飛廉神禽能致風氣者也明帝永平五年至長安迎取飛廉并銅

一百步深五丈

三十丈望見長安城

朝鮮王攻殺遼東都尉廼

募天下死罪擊朝鮮六月詔曰甘泉宮內中產芝九莖

連葉應劭曰芝草也其葉相連如淳曰瑞應圖王者似鹿頭如爵有角而蛇尾文如豹文師古曰通天臺者言此臺高上通於天也漢舊儀云高三十丈望見長安城

馬置上西門外名平樂館董卓悉銷以為錢晉灼曰身

庭之室也故上帝博臨不異下房賜朕休弘師古曰上帝云不異下房

廣也弘大也休美也言天廣臨不以下房其赦天下賜

雲陽都百戶牛酒晉灼曰雲陽甘泉黃帝以來祭天圓都也師古曰此說非也都謂縣之所居在宮側者耳賜不偏其境內故指稱其都非謂天子之都也若以有宮觀稱都則非

止雲陽矣

作芝房之歌秋作明堂于泰山下遣樓船

將軍揚僕左將軍荀彘將應募罪人擊朝鮮應劭曰樓船者時欲擊越非水不至故作大船上施樓也

又遣將軍郭昌中郎將衛廣發巴蜀

兵平西南夷未服者臣爲益州郡

三年春作角抵戲

應劭曰角者角技也抵者相抵觸也文穎曰名此樂爲角技抵者兩兩相當

角力角技藝射御故角名抵蓋雜技

樂也巴渝戲魚龍蔓延之屬也漢後更名平樂觀師古曰抵者當也非謂

抵觸文說是也

三百里內皆觀夏朝鮮斬其王右渠降

右渠朝

鮮王

呂其地爲樂浪臨屯玄菟真番郡

臣賈曰茂陵書

名縣去長安六千一百三十八里十五縣

真番郡治晉縣

去長安七千六百四十里十五縣

師古曰樂音洛浪音

郎番音普安反

支反晉音文甲反

弋

擾船將軍揚僕坐失亡多免爲庶

民左將軍荀彘坐爭功棄市

師古曰棄市殺之

膠西王端薨武都氐人反

分徙酒泉郡

於市也解在景紀

秋七月

四年冬十月行幸雍祠五畤通回中道

應劭曰回中道安定高平有陰

阻蕭關在其北通治至長安也孟康曰回

中在北地有山陰武帝故宮如淳曰三輔黃圖云回中宮在汧也師

回中爲名耳非今所通道

遂北出蕭關入朝那蕭關蕭

關在安定縣也歷獨鹿鳴澤

服虔曰獨鹿山名也鳴澤澤自

代而還幸河東春三月祠后土詔曰朕躬祭后土地祇

見光集于靈壇一夜三燭

服虔曰燭音謁師古曰讀如本字

都宮殿上見光

師古曰中太原其赦汾陰夏陽中都死罪曰

下賜三縣及楊氏皆無出

今年租賦

師古曰楊氏河東聚邑名夏大

旱民多渴死

如淳曰渴音謁師古曰中熟而死也

秋且匈奴弱可逐臣服

廼遣使說之單于使來死京師匈奴寇邊遣拔胡將軍

郭昌屯朔方

五年冬行南巡狩至于盛唐

文穎曰案地理志不得疑當在盧江左右縣名也韋

宋祁曰：「归本是
也。下有九字疑，
字下無音，疑字」

古曰韋說是也。望祀虞舜于九疑。疑山名今在零陵營
道文。賴曰：九疑山半在蒼梧半在零陵。如淳曰：舜葬九
疑，九疑在蒼梧，零陵縣故或云舜葬蒼梧也。師古曰：文
說是也。疑音疑，其山九峯。應劭曰：瀟音若，形勢相似，故曰九疑山。登瀟天柱山。瀟南嶽霍山，在

清音

宋初曰南本無
此性予接太初
元年受計于其

古曰韋說是也望祀虞舜于九嶷
道文賴曰九嶷山半在蒼梧半在零陵故或云舜葬蒼梧也師古曰文
嶷九嶷在蒼梧焉名今在零陵營
形勢相似故曰九嶷山峯登瀟天柱山應劭曰瀟音若
瀟瀟縣名屬瀟江文賴曰天柱山在瀟縣南有祠音岑師古曰瀟音與瀟同應說是
者數圍卵生子如一軸軀千里李斐曰軸船後持柂處
二斛瓮能吞人也也艤船前頭刺櫂處也
言其船多前後相衝千里不薄縱陽而出張慶曰縣名
絕也師古曰舳音舳艤音盧萬盧江師古
千松反作盛唐縱陽之歌遂北至琅邪並海讀曰傍傍
依也音步浪反所過禮祠其名山大川春三月還至太山增封
甲子祠高祖于明堂臣配上帝因朝諸侯王列侯受郡
國計師古曰計若今計帳也夏四月詔曰朕巡荆揚輯江淮物

如淳曰輯合也物猶神也郊祀志所祭祀事也師古曰輯與集同氣并合泰山師古曰集江淮之神會大海之氣合致於太山然後修封總祭饗也上天見象增修封禪師古曰見其赦天下所幸縣毋出今年謂顯示也租賦賜鰥寡孤獨帛貧窮者粟還幸甘泉郊泰畤大司馬大將軍青薨初置刺史部十三州師古曰漢舊儀云史印綬有常治所以秩分行部御史爲駕四封乘傳到所郡各遣一史迎之界上所察六條初分十三州假刺名臣文武欲盡詔曰蓋有非常之功必待非常之人故馬或奔踶而致千里師古曰踶蹠也奔走也奔踶者乘之即奔立則踶入也踶音徒計反士或有負俗之累而立功名晉灼曰負俗謂被世譏論也師古曰累音力瑞反夫泛駕之馬師古曰泛覆也音方反字本作要後通用耳覆駕者言馬有逆氣而不循軌轍也跖跞之士如淳曰跖音拓弛發也士行有卓異不入俗檢而見斥逐者也師古曰跖者跖落無檢局也弛者放

廢不遵禮度也。跡音

士各反

弘音

式爾反

亦在御之而已。

師古曰

在人其令

與凡同也。師古曰。所以制御之所以制御之者。謂聲教之外。

州郡察吏民有茂材異等。

應劭曰。舊言秀才避光武諱。

稱茂才異等者超等較群不

古曰。茂美也。

可爲將相及使絕國者。

師古曰。絕遠之

六年冬行幸回中春作首山宮。

應劭曰。首山在上郡於

河東蒲坂界。

師古曰。尋此

下詔文及依地理志文說是

帝祠首山故神爲

出珍物化爲黃金。祭后土神光三燭。其赦汾陰殊死臣

下賜天下貧民布帛人一匹。

益州昆明反赦京師亡命

令從軍遣拔胡將軍郭曷將臣擊之。

夏京師民觀角抵

于上林平樂館秋大旱蝗。

太初元年

應劭曰。初用夏正以正月爲歲首故改年爲太初也。

冬十月行幸泰山

十一月甲子朔旦冬至祀上帝于明堂乙酉柏梁臺災。

十二月禫高里。

代嚴曰。山名在泰山下。師古曰。此高字

或呼爲下里者也。字則爲蓬蒿之蒿。或者既見泰山神靈之府高里山又在其旁。即誤以高里爲蒿里混同一事。

文學之士共有一此謬。

陸士衡尚不免況其餘乎。

今流俗書本此高字有作蒿者妄加增耳。

祠后土

東臨渤海望祠蓬萊春還受計于甘泉。

師古曰。受郡國所上計簿也。若

正歷旦正月爲歲首。

文毅曰。越巫名勇。謂帝曰越國正歷之前謂建亥之月爲正也。未

州計帳二月起建章宮。

文毅曰。越巫名勇。謂帝曰越國有火災即復大起宮室以厭勝。

之故帝作建章宮。師古曰。在未央宮西。今長安故城西俗所呼貞女樓者即建章宮之闕也。

夏五月

正歷旦正月爲歲首。

正歷之前謂建亥之月爲正今此

言以正月爲歲首。

史追正其月名色。

張晏曰。漢據土德土

守相印文不足五字者以之足之。

定官名協音律遣因

杆將軍公孫敖。

服虔曰。匈奴地名因所征以名。

築塞外。

文獻曰勝立
日行立字

受降城秋八月行幸安定遣貳師將軍李廣利張晏曰
宛城發天下謫民西征大宛師古曰庶人之有罪謫者也大宛國名宛音於元反

蝗從東方飛至敦煌

二年春正月戊申丞相慶薨

師古曰石慶也

三月行幸河東祠

后土令天下大酺五日謾五日祠門戶比臘如淳曰謾音搜漢儀注立秋謾腰伏犧曰謾音劉殺也蘇林曰謾祭名也
謾虎屬常以立秋日祭王者亦以此日出臘還以祭宗廟故有謾腰之祭也師古曰續漢書作謾劉謾劉義各通耳臘者冬至後臘祭百神也臘音來盍反

四月詔曰朕用事介山祭后土皆有光應文頴曰介山縣東南其山特立周七十里高三十里

在河東皮氏

其赦汾陰安邑殊死呂下五月籍吏民馬補車騎馬師古曰籍者據錄而取之

趙破奴應劭曰浚稽山在武威塞北匈奴常所以爲障蔽師古曰浚音峻稽音雞

二萬騎出朔

方擊匈奴不還冬十二月御史大夫兒寬卒師古曰兒音五分反

三年春正月行東巡海上夏四月還修封泰山禪石間

應劭曰石間山在太山下社南方士言仙人間也

遣光祿勳徐自爲築五原塞

外列城晉灼曰地理志從五原相陽縣北出

石門郭即得所築城師古曰相音固

西北至盧

胸服虔曰匈奴地名張晏曰山

之師古曰說是也胸音劬

游擊將軍韓說將兵屯

之讀曰悅

強弩都尉路博德築居延秋匈奴入定襄

雲中殺畧數千人行壞光祿諸亭障應劭曰光祿勳徐

匈奴從此往壞敗也師古曰漢制每塞要處別築今

為城置人鎮守謂之候城此即障也音之向反

又入

張掖酒泉殺都尉

四年春貳師將軍廣利斬大宛王首獲汗血馬來

應劭曰大宛舊有天馬種蹋石汗血汗從前有蹕出如血號一千里師古曰蹋石者謂蹋石而有跡言其蹕堅利作

竹葉記六

二十一

西極天馬之歌秋起明光宮
師古曰三輔黃圖云在城中元后傳云成都侯商避暑借明光宮蓋謂此冬行幸回中徙弘農都尉治武關稅出入者

呂給關吏卒食

天漢元年

應劭曰時頽年苦旱故改元爲天漢以祈甘雨師古曰大雅有雲漢之詩周大夫仍叔所作也以美宣王遇旱災脩德勤政而能致雨故依以爲年號也

春正月行幸甘泉郊泰

時三月行幸河東祠后土匈奴歸漢使者使使來獻夏五月赦天下秋閉城門大搜

臣賈曰漢帝年記六月禁搜羅踰侈者也李奇曰搜索巫蠱也師古曰時

七月閉城門大搜則

巫蠱未起贊說是也踰侈者踰法度而奢侈也發謫戍

屯五原

二年春行幸東海還幸回中夏五月貳師將軍三萬騎出酒泉與右賢王戰于天山

晉灼曰在西域近蒲類國去長安八千餘里師古曰

道中者百姓以始漢家於道中祠排禡咎移之於行人

祝殺過文帝久已除之今止之也師古曰文說非也

祀禁百姓巫魄於道中祠祭者耳

大搜臣賈曰搜索巫蠱也晉灼曰搜巫蠱也

師古曰渠黎六國使使來獻

臣賈曰渠黎西域胡國名

泰山琅邪

群盜徐敦等阻山攻城

師古曰阻山者依山之險以自固也

道路不通遣

直指使者暴勝之等衣繡衣杖斧分部遂捕

斧持斧也

三年春二月御史大夫王卿有罪自殺初榷酒酤

如淳曰榷

謂建持之以爲威也分音扶問反

關都尉曰今豪桀多遠交依東方群盜其謹察出入者

三年春二月御史大夫王卿有罪自殺初榷酒酤

如淳曰榷

音較應劭曰縣官自酤榷賣酒小民不復得酤也韋昭曰以木渡水曰榷謂禁民酤釀獨官開置如道路設木爲榷獨取利也師古曰榷者步度橋爾雅謂之石杠今之畧約是也禁閉其事搃利入官而下無由以得有若渡水之榷因立名焉韋說如音是也酤音工護反約音酌

三月行幸泰山修封祀明堂因受計還幸北地祠常山瘞玄玉節展曰瘞埋也師

古曰爾雅曰祭地曰瘞蘿蔓其物者示歸於地也瘞音於例反夏四月赦天下行所過毋出田

租秋匈奴入鴈門太守坐畏憚棄市

如淳曰軍法行退留畏懦者要斬憚

音如據反師古曰又音乃館反

四年春正月朝諸侯王于甘泉宮發天下七科諭張晏曰吏

有罪一士命二賛婿三賈人四故有市籍五父母有市籍六大父母有市籍七凡七科也及勇敢士遣貳師將軍李廣利將六萬騎步兵七萬人出朔方因

扞將軍公孫敖萬騎步兵三萬人出鴈門游擊將軍韓

步兵三萬人出五原強弩都尉路博德步兵萬餘人與貳師會廣利與單于戰余吾水上連日赦與左賢王戰不利皆引還夏四月立皇子驥爲昌邑王孟康曰驥音博晉灼曰許慎以爲有驥享秋九月令死罪人贖錢五十萬減死一等

太始元年應劭曰言盪滌天下興民更始故以元年春正月因扞將軍敖有罪要斬徙郡國吏民豪桀于茂陵雲陵師古曰此當言誤爲陵耳茂陵帝自所起而雲陽甘泉所居故搃使徒豪桀也鉤七趙建仔死葬雲陽至昭帝即位始尊爲皇帝時未有雲陵武夏六月赦天下

二年春正月行幸回中三月詔曰有司議曰往者朕郊

見上帝西登隴首獲白麟呂饋宗廟渥洼水出天馬泰

列紋曰按元封六年詔曰朕首山昆出於物化爲黃金而此林泰山似非是故詔書先用首山金為號號有蓋

日快瑞也叙三瑞下云

山見黃金師古曰見音胡審反宜改故名今更黃金爲麟趾裏蹠
臣協瑞焉應劭曰獲白麟有馬瑞故改鑄黃金如麟趾身一曰行萬五千里也師古曰既云宜改故名又曰更黃金爲麟趾裏蹠是則舊金雖以斤兩爲名而官有常形制亦由今時吉字金挺之類矣武帝欲表祥瑞故晉改鑄爲麟足馬蹠之形以易舊法耳今人往往於地中得馬蹠金甚精好而形製巧妙裏音奴了反因臣班賜諸侯王秋旱九月募死罪人贖錢五十萬減死一等御史大夫杜周卒三年春正月行幸甘泉宮饗外國客二月令天下大酺五日行幸東海獲赤鴈作朱鴈之歌幸琅邪禮日成山孟康曰禮曰拜日也如淳曰祭日於成山也師古曰成山在東萊不夜縣斗入海郊祀志作盛山其音洞登之罘晉灼曰地理志東萊縣有之罘山祠師古曰罘音浮睡音直瑞反浮大海山稱萬歲冬賜行所過戶五千錢鰥寡孤獨帛人一匹

四年春三月行幸泰山壬午祀高祖于明堂臣配上帝因受計癸未祀孝景皇帝于明堂甲申修封丙戌檀石間夏四月幸不其以爲縣應劭曰其音基不其山名因于交門宮應劭曰神人蓬萊仙人之属也晉拜者師古曰如有神之景象嚮宮武帝所造若有鄉坐并見且白且黑且大且小鄉坐三拜鄉讀曰嚮坐臥音才反作交門之歌夏五月還幸建章宮大置酒赦天下秋七月趙有蛇從郭外入邑與邑中蛇群鬪孝文廟下服慶曰趙所立孝文廟也邑中蛇死冬十月甲寅晦日有蝕之十二月行幸雍祠五畤西至安定北地

征和元年

應劭曰言征伐四夷而天下和平

春正月還行幸建章宮三月趙王彭祖薨冬十一月發三輔騎士大搜上林閉長

安城門索

文賴曰簡車馬數軍實也臣賛曰搜謂索姦大搜索也漢帝年記發三輔騎士大搜長安上林中閉城門十五日待詔北軍征官多餓死然則皆搜索非數

軍實也

師古曰

音山客反

十一日廼解巫蠱起

二年春正月丞相賀下獄死夏四月大風發屋折木閨

月諸邑公主陽石公主

師古曰諸邑琅邪縣也以封公主故謂之邑陽石北海縣也

公主皆衛皇后之女也陽字或作羊

皆坐巫蠱死夏行幸甘泉秋七月按

道侯韓說使者江充等

擊將軍韓說也掘蠱太子宮壬

午太子與皇后謀斬充且節發兵與丞相劉屈氡大戰

長安

師古曰屈音丘勿反鼈音力之反死者數萬人庚寅太子亡逃匿也謂

皇后自殺初置城門屯兵更節加黃旄

應劭曰時

太子亦發節以戰故御史大夫暴勝之司直甲仁坐失其上黃以別之

織勝之自殺仁要斬

八月辛亥太子自殺于湖師古曰湖也即今虢州閩鄉二縣皆其地癸亥地震九月立趙敬肅王子偃爲

平干王匈奴入上谷五原殺略吏民

三年春正月行幸雍至安定北地

匈奴入五原酒泉殺兩都尉三月遣貳師將軍廣利將七萬人出五原御史

大夫商丘成二萬人出西河重合侯馬通四萬騎出酒

泉城至浚稽山音峻雞與虜戰多斬首通至天山虜引去因降車師皆引兵還廣利敗降匈奴夏五月赦天下

六月丞相屈氡下獄要斬妻子

鄭氏曰妻作巫蠱

師古曰屈氡亦坐與

師將軍謀立昌邑王

秋蝗九月反者公孫勇胡倩發

覺皆伏辜

師古曰信音千見反

劉曰按昭紀云
辭訟在後二年
前脩勿載卽
則當但稱後
元年也

四年春正月行幸東萊臨大海二月丁酉墮石于雍二
師古曰雍扶風之縣也二者石之數聲聞四百里三月上耕于鉅定服虔
名也近東海應劭曰齊國縣也晉灼曰案地理志應說是還幸泰山脩封庚寅祀于
明堂癸巳禮石間夏六月還幸甘泉秋八月辛酉晦日

有蝕之

後元元年春正月行幸甘泉郊泰畤遂幸安定昌邑王
驃薨二月詔曰朕郊見上帝師古曰見音胡電反巡于
北邊見群鶴留止呂不羅罔靡所獲獻如淳曰時春也
無所護也薦于泰畤光景並見其赦天下夏六月御史大夫
商立成有罪自殺師古曰坐於廟中醉而歌侍中僕射莽何羅與弟
重合侯通謀反孟東曰征和三年言重合侯馬通今此
言莽明德馬后惡其先人有反易姓莽

莽不清

碑丁矣及

宋祁曰梅馬亦
滿補又易馬
為莽者以二
字音同乎之
毫既不可改故
以是知後年
馬姓亦譏之矣
也

師古曰莽侍中駙馬都尉金日磾奉車都尉霍光騎都
尉上官桀討之師古曰禪丁奚反秋七月地震往往涌泉出
二年春正月朝諸侯王于甘泉宮賜宗室二月行幸蓋
屋五柞宮晉灼曰蓋座扶風縣也張晏曰有五柞樹因
以名宮也師古曰蓋音張流反屋音竹乙反
乙丑立皇子弗陵為皇太子張晏曰昭帝也後但
名弗以二名難諱故丁卯
帝崩于五柞宮臣瓚曰帝年十七即位即入殯于未央
位五十四年壽七十一
宮前殿三月甲申葬茂陵臣瓚曰自崩至葬凡十八日
贊曰漢承百王之弊高祖撥亂反正文景務在養民至
于稽古禮文之事猶多闕焉孝武初立卓然罷黜百家
師古曰百家謂諸子雜說違背六經詩書春秋禮樂也
海內舉其俊茂師古曰疇誰也咨謀也言謀於衆人誰可爲事者也與之立功興

太學修郊祀改正朔定歷數師古曰正音之協音律作成反佗皆類此協音律作詩樂建封檀禮百神紹周後號令文章煥焉可述後嗣得遵洪業而有三代之風師古曰三夏殷周如武帝之雄材大略不改文景之恭儉臣濟斯民雖詩書所稱何有加焉

師古曰美其雄才大器而非其不恭儉也

武帝紀第六

庚午
正月
廿九

